

東

華

續

錄

光緒一百九十七

臣朱壽朋敬編

臣潘鴻鼎恭校

冬十月庚子朔時享 太廟 上親詣行禮○壬寅諭軍機大臣等本年江蘇河南四川甘肅雲南貴州  
會報偏災朝廷軫恤為懷議賑議蠲已救各該督撫等妥籌撫恤小民諒可不至失所惟念來春青黃不  
接之時民力未免拮据著傳諭該督撫等體察情形如有應行接濟之處卽著認真查明據實覆奏封印  
以前奏到候朕於新正降旨加恩此外各該省有無被災地方應行調劑之處著該將軍督撫等一體查  
明具奏前經降旨諭令該將軍督撫等痛除積習飭屬確查毋任豪強胥吏盤剝欺侵該將軍督撫等務  
當恪遵前有實力奉行不得稍有捏飾以副朝廷實惠及民之至意將此通諭知之○癸卯 慈禧端佑  
康頤昭豫莊誠壽恭欽獻崇熙皇太后 皇上御勤政殿日本使臣內田康哉偕同前宮內大臣伯爵土  
方久元覲見○甲辰諭袁世凱鐵良奏遵有校閱陸軍會操情形各摺片據陳此次會操始末情形各節  
並披覽軍機南北兩軍部署之宜攻守之術頗為完密袁世凱鐵良督率將士閱練有方深堪嘉許所有  
該鎮協官佐目兵步伐正齊一切指揮籌辦尙能合法大改舊觀仍當督飭認真訓練協力同心精益求精

精毋忘甲徹並著各省將軍督撫按照定章共圖振勵務求兵學力底精強務期有勇知方規模日臻美備俾堅眾志而壯干城用副朝廷整軍經武實事求是之至意○乙巳調緩奉天熊岳錦縣等旗民各地被災錢糧○丁未以日使來京開議滿洲條約命慶親王奕劻盟鴻臚袁世凱爲全權大臣○陳夔龍奏請就河南省城設立尊經學堂以保國粹下學務大臣知之○商部奏三代之陸軍制盛稱同軌一統之治路政宜定成規我國家自建設鐵路以來至近今乃漸見發達凡未經修築各省均先後奏明籌款自辦倘使日新月異路綫交錯於途卒以軌轍不一未能推行盡利實於路政大有窒礙查各省現有之鐵路工程形勢均由各工程師隨時酌定如關內外京漢兩路均軌寬英尺四尺八寸有奇而正太已微有參差若不亟爲釐正妥定斟酌若畫一之規恐有此難達彼之慮泰西原始亦坐此弊迨至大功全竣而後徐議改圖糜金寶多前鑒不遠亟宜統籌全局早著定程其他如鋼軌距離之尺寸橋梁承受之壓力開鑿山洞之大小造作車輛之高寬以至車底掛鈎之形式與離軌之高低均宜各路一律無爽毫釐而後國境以內凡有軌道之處均能一氣銜接臣等詳考上項各節實爲路政要鍵應請 飭下各該鐵路大臣轉飭各工程師將現在已成各路查明詳細規制繪具圖式迅速咨送 部擇其程度最良者由臣等公同妥酌擬定整一章程再行奏請 頒行俾資遵守得 旨如所議行○己酉 慈禧端佑康頤昭

豫莊誠靜恭欽獻崇熙皇太后萬壽聖節 上請儀鑾殿率王公百官行慶賀禮○壬子命大學士裕德  
管理禮部事務○命肅親王替善管理理藩院事務○甲寅曹鴻勳奏准軍機大臣字寄光緒三十一年  
八月十七日奉 上諭商部奏請飭清廢礦產以保利權一摺著各省按照兩江辦法迅即籌辦細期權  
自我操利不外溢是為至要等因欽此遵 旨寄信前來當即行局核辦去後據礦務局司道詳擬辦法  
臣復細加考核有現時籌辦業有端倪者有以後尚須推廣者伏釋 諭旨飭辦各節約分三端一查礦  
產一禁私售一集股本三者之次第以查礦產禁私售為先務而以集股開辦為指歸陝西天府奧區礦  
藏饒富外人久已垂涎前撫 臣有鑒於此於二十九年通飭各屬查明何處有礦礦係何質一一樹石為  
標嚴禁私售固已防微杜漸不至有利權外溢之虞惟土法勘驗粗而不精集股興工亦難猝辦 臣到任  
後日以礦務為急先後考驗礦質估計工程除延長石油業已聘師試辦具摺奏報外查南山油陽白河  
兩縣五金礦苗最為繁盛該處界連鄂省 臣與湖廣督 臣張之洞往復電商議定兩省合辦已委員與鄂  
員會勘由鄂員揀攜礦質多種回鄂試鍊俟礦師借來即可刻期開採實力既厚成效必速彼時擬借 臣  
礦師之便將興漢一帶之礦山逐加探驗即擇一二質產較旺工費較省之處先從此起或官督商辦或  
官商合辦有油陽白河之成事以為觀感庶幾招集股本不甚為難此現在籌辦業有端倪者也至其餘

產礦之區所在多有其已著名者如韓城之鐵鎮安之銅神木之城白水澄城韓城同官君州隴州  
澆化等州縣之煤向用土法採鍊收利不宏非一律改良不可其未著名者五金油煤之屬深山窮谷往  
往有之一或遺忽人將窺伺非一律清查不可凡此必須有專聘之礦師方能從容專一第闕功斷非  
借用楚材所能兼顧查有陝省委員楊宜瀚等現赴日本考察工藝已飭該委員就便於礦學會中選訂  
一二人來承其乏俟到陝後以次搜考總期先將全省礦產一一查明驗確然後集股興工逐漸推廣仍  
一面重申前禁毋使有暗中私售之弊以重商務而保利權下商部知之○曹鴻勳奏陝西北山延長縣  
產有石油經督臣升允擬陝時與德商力爭定歸陝省自辦因礦師難得考驗未真是以久未舉辦臣到  
任後體查情形非即時開辦無以振陝人因循之習並無以絕外人覬覦之心前已派員攜帶油質赴漢  
口選購日本礦師阿部正治郎來秦考驗今據驗得該處油質甚佳來源亦旺所煉之油經臣親驗潔淨  
潔白燃之異常光明該礦師謂其勝於東洋能敵美產信非虛言並查得延長附近一帶產油之地極多  
如虜施延川宜君等縣與延長連山接脈油質如出一源將來延油辦成自可漸次推廣利源所在莫大  
於斯此考驗油質之實在情形也至需用經費關繫尤重臣督同司局與該礦師核實估計據云開辦油  
礦與五金各礦不同各礦需款浩繁非合衆人之力不能成一廠之功一有外銷虧折動數百萬物油礦

不然以費本計之購機居十之七開井居十之三機備井成此後款無須鉅工無須多以井成後計之每成油百斤所用工食器械煤藥箱桶等費照北山物價約需制錢一千五六百文總計款項少或十萬多或二三十萬均可開辦大辦大效小辦小效斷不至勞費無功此估計經費之大概情形也該礦師阿部正治郎之師日本化學博士稻並幸吉現在湖北原議即聘稻並來陝因事不暇以阿部代今阿部已考驗明確令其帶油赴鄂與稻並商購機器仍限阿部於五十日內回陝監修廠房并基一面即籌修北山車路以便運機入山運油出山一舉而兩得蓋延長以南山路崎嶇若築小鐵路以達黃河上策也然不能急就惟先從省北開通車路尚不為難查省北車路數年前已開至同官山同官至延長六百里中祇金鎖關一處頗形艱阻其餘石少土多開通較易已飭司局迅速委員前往會同地方官按段估勘隨撥營勇二三旗前赴各州縣輔以民夫尅日舉工分段合作以期速成如能於機器到陝之日適為路工告竣廠工落成之日則轉運便而興利更速此開辦以前籌辦運路之情形也以上各節由礦務局官道具詳請奏前來臣再四考核見該礦師等驗實估費頗有把握將來如辦有成效則寶山之源必不止延長一處所以急急於開車路者亦正為此至開辦以後之辦法與一切詳細章程容俟隨時奏咨以期仰副朝廷振興工商之至意下面部知之○乙卯 慈禧端佑康頤昭豫莊誠壽恭欽獻崇熙皇太后

皇上御勸政殿日本國使臣內田康哉偕同前宮內大臣伯爵土方久元觀見○吉妃薨○丙辰蘆漢鐵路成○飭外務部加派譯員選呈東西各報○工部代奏主事陳畚呈請經理南田其略曰三門灣爲南田一隅南田環象山半面地爲南五省樞紐由此東則浙南則閩所謂灣者以橢圓計之殆如旅順膠州外人之意欲得南田之全分象山之半以制五省之命也方今時事孔亟外人要求需索兵艦商輪時來遊弋測量盛稱一絕好停船場殖民地南田各島皆以粉圈爲標記意喻英旨法瞰日利船來更多臣籍隸象山見聞較確備稽成案證圖說謹爲縷晰陳之查南田向有居民自古隸象山向未著名與漢書所稱天門山祇隔五海里唐小說家類稱十洲福地之一說本荒唐至明初始著名明臣湯和以與日本毗連遭宋遺族聚居方氏伏莽未淨徙其民至十萬戶而空之與今定海同爲禁地其著名者莫如大佛頭山日本取道向由於此查距長崎祇一千二百餘海里及明嘉靖時備倭始置守各門職鄉人俞士吉承樂時奉使取道亦由此明王士性茅元儀國朝陳倫炯顧祖禹始稍稍以此爲形勝西人地學較精金約翰海道圖說言三門灣口北面大佛島有獨峰見此卽誠認灣口蓋進此卽珠門也要知南田有六門外則下灣門與林門斜對金齒門卽金漆門與八排門相對天然形勝內則東門與甌瓦門相對祇觀入浙一路三門有門而不言灣言灣則以影射愚我盡各門而欲有之是其以智明嘉靖時之倭患國

初時唐魯二王之餘燼皆據此一隅幾據東南全局延之數十年以全力之盛始克平定其險可知矧今日要筑莫如恢復海軍各處口要既多爲租借萬一外人復先著及此則東南又何堪立足職愚以爲欲請外必先安內妄議更張虛糜款項職所不敢請謹就管見所及急切易行者有二則一宜興租爲科查乾隆十七年閩浙督臣喀爾吉善嚴覆御史歐陽正煥一摺聲稱地勢潮濶沙衝該地賦稅不及銅精雜費之二二並引前督臣李衛奏開玉環定海而不及南田爲證自此遂爲禁地而客民貪利竊往私墾者不免台屬向苦人滿犯者尤多道光二十一年徐金兩匪霸租戕弁迭相盤踞至同治三年以湘勇借西人兵船夾攻始靖乃自光緒元年撫臣梅啟照請開禁委員監督迄今反無事是則開墾較便其明證矣計今已開報熟者萬七千畝零養淡報升者歲有所增合一百八埭計之每歲每畝折收租稅錢二三百不等是此一宗折半計之已萬兩有餘與其委員設局種種作正開墾曷若定爲科則以昭費一如今圩有墾報有長錯雜紛歧弊端百出一遇有重要事件仍移歸象山縣辦理睽隔二百餘里水陸周折而一切詞訟細故教民入居者既近而便反出而把持之種種爲難詢之居民致有日夕禱祝以求升科者查道光三年浙撫卹承運委臬司朱桂楨親詣細查復構開墾之利益有四一石浦爲入南田之門戶應卽歸南田管轄設同知一員卽爲南田海疆直隸同知一嚴拿霸租之游棍一地畝應行丈量報部升科一



舊有私煎宜歸官收當時言已有三萬餘畝已墾之田六千四百餘戶口現已明許開禁加倍可知朱桂  
檳旋升粵撫以去帥撫則仍持其儀僅移寧波內港大嵩之同知象邑竹山之巡檢於石浦撥協標守備  
把總各一員兵一百名同駐爲遙相控制之計職愚以爲既移駐於石浦胡不徑移於南田在石則簡在  
田則要凡丈量升科緝捕調訟一以委之事半功倍名實較副且如朱桂檳所言各澳皆有私煎形跡台  
州鹽商以運腳較近乞於南田收買就地完課應飭交運司妥議化私爲公辦法職愚亦以爲象山玉泉  
塢大使所收沙引儘敷土用一無轉運公事本簡升科以後不如竟以昇之移近駐紮或仍歸同知兼管  
於鹽法似更有裨益當時既與屯租未議及此亦所未喻一宜改巡爲汛查朱桂檳原議以金漆門爲北  
面門戶移駐都司一員水師兵百名長山嘴對下灣門海口駐千總一員水師兵百十名林門大灣則各  
設汛弁有差而帥撫反定爲更番巡哨之制每年春飭甯紹台道及定黃兩鎮巡哨一次夏則象山協同  
寧波府屬巡一次一季中或由藩司派委搜查一次仍飭每月石浦同知與象山縣分巡一次又按月由  
兩鎮委營弁偕昌石健跳兩營分巡一次年底總兵參將各員又各按水路各汛地搜巡一次定爲成例  
無論以一歲之口以一隅之地牽涉文武各員奔走迭次供億浩繁無此政體卽行之而輾轉周折日久  
成爲具文勢必廢弛厥愚以爲象山所屬之協旣爲海疆而設營弁可移駐於石浦協標胡不竟移駐於

南田合象山昌石水陸戰守兵計之從前額二千有奇除節次裁撥右營已歸併外現尚存七百餘名誠協標移駐南田則向以防象者防南常苦不及今以防南者防象自覺有餘康熙時耿逆之變係山南田入口以擊浙之後路南田無失則府有提標定有鎮標內港一水可違象又奚愛僅留原設都司兵一百名分發各營汛足矣當時爲防內起見故扼要於金漆門及長山嘴職並爲防外起見故扼重於八排門及三門東路金漆門擬請設明礮臺一轉以原設水師都司一員兵百名下灣門隸之西路大佛頭建明礮臺一轉以昌石守備一員兵百名長山嘴隸之八排門正當壇頭大洋地名大南田卽令副將協同同知駐守隸兵兩百名其自林門珠門等內港以水師兵五十名分汛駐紮而於佛頭下突起之花澳似宜建暗礮臺兩雖敵兵入港可以橫衝堵擊三門港中之未知名一小山中適分閩臺溫三路而扼其衝亦建暗礮臺兩分撥海門鎮及健跳水師各弁兵二百名守之近聞擬以健跳爲海軍將來停船塢似不如其地之險要且兵則仍續額而營造亦不過費南田三年之租稅合兩地而養一處之兵駐一地而得數省之用一切防哨設局之省費無論矣若此者名雖二事實則一端伏見新章以墾荒併官裁冗汰弱爲首務故上年鄂督於施南撤標於繁城 盛京之洮南新疆之通克皆不惜經營以因時制宜四川於贛對一或邊誤至生枝節況此則一興改間而安內靖外諸政畢舉乎事固有古戾而今宜者玉環定海兩

願固昔之南田也顧祖禹言南田地皆膏腴宜耕稼爲南路要衝魏源至議欲棄定海而移其兵於南田以免外人要挾在當日已然況在今日卽如帥撫當時撥奏烏嶼叢雜無險可守職嘗親履數四似吳所聞以職所見者浙之蛟門所聞者粵南澳門金門三江陰各地圖說竊以爲其勢殆尤過之至外人盛稱其地有美礦比衆更勝前二年有美國礦師至石浦招股應如何先行開採以保利權既有丁糧建治後應如何振興學務石浦應否如朱桂楨所言卽歸南田統轄統俟諭旨飭交督撫查覆後奉行奏入上諭軍機大臣等工部代奏主事陳畚敬陳管見一摺據稱三門灣爲南田一隅南田環象山半地爲南五省樞紐請經理南田安內靖外等語著崇善張曾敬按照所陳察看情形妥籌辦理原呈著鈔給閱看將此各諭令知之○己未 慈禧端佑康頤昭豫莊誠壽恭欽獻崇熙皇太后 皇上御乾清宮日本國全權大使小村壽太郎駐京使臣內田康哉覲見呈遞國書○諭溥儀等奏邊臣回京隨從人等索擾臺站據實糾參一摺據稱前科布多參贊大臣瑞洵行李過境需用駝馬至一二百隻駝房至數十架之多所帶巡捕家丁並有折價索銀情事等語現在蒙情困苦朝廷方時深軫念出差人員自應深明大體格外體恤乃該大臣竟敢肆意擾亂縱令隨從人等沿途需索實屬荒謬瑞洵著卽行革職發往軍臺効力贖罪並著將巡捕符金家丁德化一併交出嚴行懲辦所有索取銀兩數目按數追出發還各臺站以

示懲儆○庚申調胡燏棻爲工部左侍郎○以唐紹儀署外務部右侍郎調伍廷芳署刑部右侍郎○辛酉諭政務處王大臣等籌定立憲大綱○壬戌改派唐紹儀督辦甌滬鐵路○財政處奏臣等於奏報天津銀錢總廠開鑄酌擬章程內聲明圖法關繫重要不厭詳求金銀兩種分兩成色尙須統籌定議奏准在案伏查幣制有本位貨有補助貨本位貨幣其中所含之數必須與其幣之價值相符而鑄造授受不厭其多不必加以限制至補助貨幣所以補本位之不足卽依本位之價值爲其價值故內含之數不妨減而鑄造授受必以限制之法行之此其大較也現在總廠開鑄銅幣特係補助之一種既欲整齊圖法則本位之幣不可不早爲籌定中國積金未富官私交易尙係銀銅並用則用金之制尙難驟議從前各省所鑄銀元成色分量均仿墨西哥係屬一時權宜未可垂爲定制詳考各國國幣如英之先零俄之盧布德之馬克法之佛郎以及美日之金元皆各行其國之所宜彼此未嘗沿襲中國丁漕租稅徵收多用庫平民間銀兩往來亦均以兩錢分釐核算竊以爲欲定國幣之制似可卽照庫平一兩精其鑄造足其成色尤要在戶部京餉首先收受部庫既收各省藩庫卽無不收部庫藩庫既收則州縣徵收錢糧及一切公款自無不收之理商民知公款皆能通用又可免補平補色之繁更無不樂於行用酌古今之制通民俗之宜爲今日之計莫便於此是以上年八月湖廣督臣張之洞曾有在湖北試行庫平一兩銀幣之

奏而本年臣那桐等先後前往天津與直隸督臣袁世凱商榷幣制該督亦力持鑄造庫平一兩銀幣具微謀議敘同臣等公同商酌擬請鑄造重庫平一兩之銀幣與現鑄之銅幣鑄有之制錢以爲補助謹擬章程十條恭呈 御覽如蒙 俞允卽由臣等飭知戶部造幣總廠並咨行南北洋湖北廣東各省趕爲鑄造俟此項銀幣積有成數同時發出嗣後公私收發款項均限令搭用銀幣若干成仍源源鑄造俟所造銀幣漸足敷通國之用然後遞減別項搭用之數務期通國授受專用銀幣以垂定制而昭大信銀幣試行有效再議收積金款鑄造金幣使三品之制皆能同條共貫整齊庶一庶幣制於以大定矣一切未盡事宜容臣等隨時體察情形奏明辦理 上諭財政處奏酌擬鑄造銀幣分兩成色並行用章程開單呈覽一摺據稱從前各省所鑄銀元係屬一時權宜未可垂爲定制現在明定國幣擬鑄造重庫平一兩銀幣定爲本位更鑄五錢二錢一錢三種銀幣與現鑄之銅元鑄有之制錢相輔而行等語整齊圖法爲當今財政要圖著戶部造幣總廠按照所擬章程行知直隸江蘇湖北廣東各分廠趕緊鑄造嗣後公私收發款項均應行用銀幣以垂定制而昭大信一切未盡事宜著該王大臣等體察情形隨時奏明辦理

○戶部奏禮科給事中王金銘奏銅元宜不分省分不論官民一律通用以堅民信而保利源一摺九月初九日奉 旨戶部議奏欽此欽遵由軍機處鈔交到部據原奏內稱銅元所以濬制錢之窮以一文抵

制錢十文原爲 朝廷權宜之舉幸民間通用較當十大錢僅域於京城不能通行各省者頗覺便利爲  
地方官者正當迎機提倡一律通用庶民間不生疑阻近聞直隸州縣有祇准用戶部北洋銅元不用南  
省所鑄之告示浙江齊捐局復有齊捐不准再繳銅元之告示揣其意諒亦時勢艱難籌款孔亟不用別  
省則本省之銷更旺不准銅元交官則齊捐之利自厚既爲本省計自難爲他省計既爲捐局計自難爲  
民間計亦似有不得已者然凡事須通盤籌畫若祇知利己不顧病人始則貪利而忘害繼且有害而無  
利官家政教號令必一秉大公若均是銅元彼省不得用於此省在民者不得用以交官於諸國寶流通  
之義恐古今無此政體現在制錢缺乏全恃銅元通融市面若令各省自爲風氣殊於闡法有礙擬請明  
降 諭旨申明一律通用之義並 飭下戶部詳定畫一章程通行各省倘地方官有抗 旨濫利阻礙  
幣政者由督撫嚴參懲辦各等語 臣等竊維國家鼓鑄銅元原期畫一幣制以便流通非僅爲一時權宜  
之計自鑄造漸廣各處爭於餘利一若以鑄幣爲籌款本意既失流弊遂滋查銅元創始廣東推行各省  
其初皆因制錢缺乏驟得銅元周轉既稱便利亦自到處通行及各省鑄造日多漸形充斥 臣等知非急  
籌限制將無以維持國法當經財政處會同 臣部奏定章程令各省銅幣先儘本省發行不得大宗販運  
出口誠慮充斥爲害此項銅元或將有滯礙難行之處是以禁運者略示限制實不啻以禁運者保其流

通其各省備有市面行銷並未曾有禁用之舉自應不分畛域仍舊通行豈得妄生分別以曠幣制至官民交用本古今圖法之通義民間既一律通行所有丁漕釐課一切支官之款自應准其交納以昭大信豈有官先不用而徒責民用之理該給事中所稱直隸州縣不用南省銅元辦理實屬非是至浙江膏捐局不准再繳銅元更屬不成事體各省財力窘絀一時以鼓鑄餘利藉資周轉似亦勢所必有之事不知圖法本在流通正當設法推行以堅民信斷無自生障礙之理不用他省所鑄商民已無不疑或至倡為銅元不准交官極其流弊勢必至相率不用而幣制將敗壞而不可收拾誠有如該給事中所稱始則貪利而忘害繼且有害而無利者通滯之機關擊甚大應請飭下各將軍督撫除遵定章各省銅幣不准大宗販運出口以防充斥外其備有市面行銷及商民來往零星攜帶銅元仍當一律通行不得稍存歧視至上下流通尤當官為提倡出納一秉大公庶商民可無疑阻倘有故意抑勒倡為交官不用銅元之說卽著從嚴參辦以昭信用而維圖法律 旨如所議行○戶部財政處奏各國鑄造金銀銅各種幣數無不隨時酌定限制不敷則增鑄有餘則暫停故能價值整齊流通無弊臣等前於奏請整頓圖法酌定章程摺內聲明各省鑄幣必須隨時斟酌損益俟所鑄足數應用由臣部體察情形飭令暫停各等語奉 旨依議欽此欽遵通行遵照在案現查各省鑄造銅元毫無限制雖經戶部奏定業經開辦之局不准

增機未經設局之處不准添設惟各省銅元局已設多處且有一省數局者在各省督撫無非以籌款維艱而銅元餘利甚饒亟思推廣運銷藉資挹注故現在鑄數日增此省競運出口彼省嚴禁入口則是銅元充斥民用足敷情形已可概見若徒以籌款之故圖目前之利必欲於此取盈勢必至紛紛趕鑄減價發行銅鉛愈多購而價愈增銅元愈多鑄而價愈落戶工兩部所鑄當十大錢僅抵制錢二文可爲前鑿更恐將來餘利漸少不特鑄局成本虧折堪虞且錢價愈賤物價必增小民生計維艱地方收歛亦暗受虧折竊恐圖法紊亂市面動搖公家賠累於上商民交困於下貽患後來關係匪淺查近與各國新定商約曾有立定一律國幣之條若不於此時亟圖補救迨至不堪收拾貽笑外人更將何以自解臣等公同商酌現在各省銅元均已不虞缺乏非趕鑄酌定限制未易施補救之方擬令江蘇湖北廣東等大省每月造數不得逾百萬直隸四川兩省每月造數不得逾六十萬其餘各省每月造數不得逾三十萬成色分兩均須遵照財政處戶部奏定章程不得稍有歧異並由臣等隨時派員稽查如不遵照奏章將承辦人員嚴行參辦現未設廠省分應照前奏毋庸另設如山西陝西等省可由戶部總廠撥給貴州等省尙未開鑄如有需用可由四川等省協撥至各省鑄局購買外洋銅餅前經臣等奏明禁止進口現查有在奏定章程之先已向洋商訂購者自應查明訂立合同日期如係訂購在先自應仍准其購運惟此項銅



併係由各國分購成色分兩斷不能一律且購來數目極多若仍卽印花行使殊慮糴雜日甚應令運收後重行照章配合鎔鑄鑄出之錢如查成色分兩不合定章卽照章一律廢參卽購買銅斤亦須電知財政處戶部核准轉行飭知海關方准進口各省現有之廠不得沿用舊名應統名戶部造幣分廠冠以某省字樣以資識別至各該局所用鑄模參差不一前已奏定均須由戶部頒領祖模所有現用各種舊模應一律卽行停廢擬令各省局於未經頒到祖模之先一律暫行停鑄將各該省歷年鑄造銅元數目查明自開鑄起共鑄出若干現積若干民間需用數目約計若干並已經行銷州縣若干處其購定物料銅斤未經鑄造者尙存若干限三箇月內先行據實報知財政處戶部以憑考察多寡盈虛之數卽由戶部造幣總廠迅速刊造祖模分別頒發應俟領到新模再行開鑄如此酌盈劑虛酌定限制再按照臣等奏定章程令各省設立官錢公估等局與戶部銀行聯絡一氣將銀銅各幣定准價值一律行用庶銅元無充斥之患價值亦無漲落之虞臣等綜核財政利害相權不得不如此辦理各疆臣自當公忠體國協力維持以重國法而顧大局如蒙 俞允卽由臣等通行遵照辦理再各省銅元現雖酌定限制仍准鑄造究係暫時辦法他日充斥過甚終不免有停鑄之時此項餘利萬不可恃應並請 飭下各該省預籌他項的款抵補免誤練兵新政等項要需得 旨如所議行○戶部奏查出政得失之源要視貨幣之周

轉盈虛相與消息外洋各國多由興商致富全國之人無論官民凡積有資財者無不出而權子母而一切農工商業各種銀行資為流轉用能交相地注商務繁興中國風氣初開商民尚多不善居積而官場之素席豐者更鮮能講求貿易開闢利源上年商部奏定獎勵公司章程曾聲明如有世家巨族出資湊集公司者亦均照章給獎誠以官場狃於積習恥言經商以致官商終多隔閡亟宜破除成見使官商畛域不分現在設立銀行一切參仿各國銀行章程辦理凡官紳商民人等有在銀行入股及存放款項應按照商家辦法妥為收存營運不能問其款之所從來且款項既存行內銀行有保護之責雖該款有無關繫轉輸之事非持存款人憑券不論何人均不得向銀行強迫查察致該款或有損礙如此曲盡保護庶官商上下咸曉然於利益之所在自樂出其資財藉收什一之利而貨幣因以流行通暢財政必有起色商業亦可漸興得旨如所議行○乙丑以陸徵祥充出使和國大臣兼理海牙平和會事○丙寅商部奏部於光緒三十一年九月二十七日會同外務部戶部擬奏兩江總督周馥等擬請特簡大員督查三省礦產招商試探摺內聲明仍照商部八月十七日奏奉諭旨各省籌設礦政調查局遴派專員妥為辦理並將派往查礦之員開具履歷咨部酌量加劄作為礦務該員以符奏案至詳細章程自應由商部訂定奏明咨行遵照並通行各省照辦以歸劃一各等語奉旨依議欽此欽遵行知在案查

各省風氣通塞不同而於調查礦產一事雖風氣較開之省其程度亦尙與歐洲各國相去懸殊若不妥訂專章遴選熟諳礦產之工師則各省委派辦理之員勢必茫無措手所勘礦質不過憑土人之嚮說所填表冊亦僅成紙上之空文其於礦政安有裨益臣等熟思深念竊謂此項勘礦章程必須迅速訂定頒行庶足以一事權而開風氣謹公同商酌擬定章程二十四條分列辦事之法凡十五條勘礦之法凡九條提綱挈領大致粗具苟能循章妥辦似尙足以資實驗而核與臣部奏定礦務章程亦屬相輔而行謹具清單恭呈 御覽如蒙 俞允應由臣部通咨各省直省將軍督撫一體遵照辦理得 旨如所議行○

丁卯弛上海出口米禁○諭軍機大臣等御史黃昌年奏路權至重贖款難擔亟宜興修廢杜干涉一摺借款修路流弊滋多粵漢鐵路應由三省集股興修以保權利不准借用外債該御史所奏五節著張之洞據實覆奏原摺著鈔給閱看將此諭令知之○戊辰擢考察政治館○諭前經特簡載澤等出洋考查各國政治著卽派政務處王大臣設立考察政治館延攬通才悉心研究擇各國政法之與中國體治相宜者斟酌損益纂訂成書隨時進呈候旨裁定所有開館一切事宜著該王大臣妥議具奏○諭我朝自開國以來政尙寬大朝野上下相與又安近復舉行新政力圖富強乃竟有不逞之徒造爲革命排滿之說煽惑邊近淆亂是非察其心迹實爲假借黨派陰行其叛逆之謀若不剴切宣示嚴行查禁恐譁張日

久患民無知被其朦朧必至人心不靖異說紛歧不特於地方有害治安且於新政大有阻礙著各將軍督撫督飭地方該管文武官吏明白曉諭認真嚴禁自此次宣諭之後倘再有怙惡不悛造言惑眾者卽重懲賞格隨時嚴密訪察詳細訊究除無知被誘不預逆謀准其量予宥減及改過投首並能指擊魁黨者不惟免罪並予酌賞外其首從各犯應按照謀逆定例盡法懲治如有擊獲首要出力之員弁准擇尤優獎惟不得株連無辜致滋擾累倘該文武曠徇顧忌緝訪不力由該將軍督撫據實嚴參以期杜絕亂萌而維大局○丁振鐸奏雲南省城開設商埠請飭部指撥的款銀三十萬兩以濟要需下所司知之○己巳命肅親王醫書往蒙古查辦事宜

十一月庚午朔移廣西慶遠理苗同知駐思恩縣屬五十二峒○辛未大學士裕德卒予祭葬入祀賢貞祠尋賜諡文慎○御史王步瀛奏請招商承運南米至京平糶以蘇民困下戶部議奏○岑春煊奏廣西商務自光緒二十九年五月各軍辦理西匪起截至三十一年九月止所用薪水軍火雜支等項先後支款三百八十六萬餘兩開單呈覽請飭部照銷免其造冊以省繁瑣下戶部知之○壬申以連順署鎮武旗漢軍都統○癸酉調綏直隸開州等被水州縣本年糧賦有差○綏綏直隸武清瀋城等縣被水被旱糧租○乙亥潘效蘇奏自上年三月具奏新疆銅源短絀擬請恩借洋款遺散內地兵勇改鑛土

籌世勇兵以固邊防而舒餉力一摺奉 硃批該部議奏片併發欽此臣原奏籌借洋款二百萬兩係指江西湖南湖北三省協餉作抵均經商允就撥解滙關分作三年本利全還嗣經南洋大臣飭知上海關道與洋商議借索息八釐已屬太重且只交金磅并無現銀以磅易銀之多折耗決不合算是以電商戶部借款作爲罷論惟催各省協餉如數如期解到臣卽就解到之餉勻撥辦理業經戶部照准分咨催解在案新疆向有馬步客勇二萬八千餘人原擬盡數遣散籌練土著二萬人名爲世襲兵每步兵一名撥給土地十畝牛馬各二十五隻羊五十隻共一百隻馬兵加倍自什長以至營旗哨官層遞加增俾資屯牧惟牛馬羊三項登時如數籌給需價太多且急切難於購買議先發給二成估需價二百三十餘萬而各省協餉又未能如數如期解到不得已爲減兵省費之計原議某地當駐一營者改駐一哨當駐一旗者亦改駐一哨擬籌練一萬四千勉爲分布照原擬減練六千人又以牲畜須價購買地則所在皆有無俟外求因議多撥地畝少給牲畜而牲畜又只籌給羊隻不給牛馬蓋牛馬成本重而獲利輕羊則購價無多而孳生又較蕃盛皮可裘毛可織乳可酪肉可充食利用又多因熟馬步兵丁各撥給上地二十畝自什長以至營旗哨官酌量加增或二畝折一或畝半折一卽地少之處亦須加撥二三成務使有餘不使不足羊則先給二成馬兵應給羊二百隻先給四十隻步兵應給羊一百隻先給二十隻餘皆類推計

官兵一萬四千人共需籌撥上地三十七萬六千六百五十畝成本羊四十三萬四千八百五十隻每羊一隻估價銀一兩計需銀四十三萬四千八百五十兩加以開鑿渠井製備農具及委員薪水等項估銀一十六萬餘兩共需銀六十萬左右分作三年辦理每年共須勻撥銀二十萬左右較原議經費銀二百三十餘萬幾減四成之三費省事集既不籌借洋款又不另請帑項此目前經費無多不可不辦者一也至常年餉項卽以一萬四千人按照新疆現在餉章計之歲需銀一百二十餘萬兩加以續備巡警練勇一十五營旗哨三千九百餘人歲餉三十二萬餘兩共需銀一百五十二萬餘兩今練兵一萬四千人營旗官給地二百畝羊二千隻哨長給地一百畝羊一千隻馬兵給地二十畝羊二百隻步兵給地二十畝羊一百隻其餘差弁什長親兵護兵人等遞有加增地畝登時籌給羊隻先給二成令具在山牧放生生不息約計五六年後卽可積足本羊額數此五六年中各該弁兵等只有地土收成尙無羊隻之利營旗哨官照章歲支辦公銀十一萬八千五百十二兩又營旗哨官營書薪水銀六萬九百二十四兩又弁兵每名每月發給鹽菜銀九錢馬乾餉月支銀二兩四錢有減作一兩八錢歲支銀二十四萬五千八兩八錢每弁兵一名月支食糧四斗歲支糧六萬六千一十四石四斗每石作價銀一兩統共歲支銀四十九萬餘兩連續備巡警練勇歲餉銀三十萬餘兩每歲共需銀八十一萬餘兩計每年可省銀七十一萬餘

兩此常年餉項可省不可不辦者二也俟五六年後本羊足額此後孳生之羊謂之利羊必在山牧放三年長大肥壯始能作用通計八九年後以步兵計之每羊百隻至少可收利羊三十隻每隻價銀至少可售一兩計可獲銀三十兩上地二十畝每畝至少可收倉斗糧一石五斗共可收糧三十石每石作價銀一兩計可獲銀三十兩兩共銀六十兩較之現在餉章每步兵一名月支銀三兩六錢歲支銀四十三兩二錢其贏餘大相懸殊利之所在人共趨之無論士家兵丁未有不爭先恐後者自效以後除營旗官辦公經費銀兩照舊支給外所有營旗哨官薪水銀兩以及馬步兵丁鹽菜糧價馬乾銀兩皆可停支計每年又可省銀三十一萬餘計每年只須發給營旗官辦公經費銀十一萬餘兩連續備巡警練勇歲餉三十二萬餘兩統計每年只需餉銀四十三萬餘兩此將來歲餉所省更多不可不辦者三也原議客軍全行遣散專用土著漢糧搭用回民蒙古具奏後博探衆論兼察邊情回民性烈不宜使之入伍充兵授人以柄慮民性懦營兵全募此種誠慮緩急難恃若令選募二三成雜入漢隊中隨同操練一步一趨可期得力且素悉土性水草於屯牧二事較客兵尤爲熟習查新疆客民臣於前半抵任後因欠餉過鉅不得不大加裁汰權顧目前步隊一營只留二百人一旗只留一百六十人馬隊一旗只留五十人前經奏明在案現將此項客兵概行留用次選留流寓漢人中之年力強壯毫無嗜好酌量添募緣在營兵丁與

流寓漢人共知屯牧之利較現在口分大有長餘情願先行入籍然後歸伍北路鎮迪道屬向係漢回雜處茲專加選土著漢人以補客兵之不足回民概不錄用南路喀什噶爾阿克蘇兩道屬盡屬雜民今擬擇其精壯而有身家者每棚兵丁十名搭用疆民二三人以補客兵之不足現在北路撫標及巴里坤鎮標南路喀什提標阿克蘇鎮標委員分投辦理已有規模土客互用不無更替若仍名爲世襲名實未盡相符應請名爲常備兵以符 國朝新制至伊犁塔城漢民極少流寓無多暫未舉辦兩處歲人雖多然樂於游牧不願居住營房若令官兵外處於營制殊不相宜容與伊犁將軍及塔城參贊大臣徐徐商辦另案奏陳伏查新疆孤懸關外向係仰食內地自庚子事起各省協餉欠解甚多而每年認解賠款四十萬兩必須如期撥解刻不容緩現已袖杆其空朝不謀夕若不早爲之計勉圖自存將來愈久而愈難支持邊局何堪設想本省無源可開惟此地土肥沃水草豐茂尙爲地方自然美利棄之誠爲可惜今廣籌屯牧以養兵丁卽古者寓兵於農之意會此別無辦法合無仰懇 天恩俯准照辦俾臣得以一意經理期底於成邊局幸甚得 旨如所議行○丙子撤回駐韓使臣改置總領事○丁丑諭慶親王奕劻選派宗室出洋學習武備○外務部學務大臣奏本年八月初六日准軍機處鈔交出使比國大臣楊兆鏊奏西洋遊學辦法紛歧亟訂明章程一摺奉 硃批外務部學務大臣議奏單併發欽此查原奏以慎選



學生齊一學費爲綱要章程內稱宜擇年自十五至二十五已通西文者出洋不通西文則選年十四五心地明白文理曉暢者出洋向習某國語文遺遊某國擇員編譯名爲幫教習如無監督由使臣隨時約束考察各等語皆闕原有得實事求是之言所擬辦法簡要允當均可見諸施行應由臣等將原章咨行各直省體察情形查照辦理又稱學費務實得中詳列條目以備採擇查學費不一之故由於財力有贏絀實遺有先後各自籌辦遂致參差此時驟欲齊整頗不易易擬請 飭下出使各國大臣將學堂等級學費多寡詳細列表酌中定數從速咨送京師再由臣等覆加查覈通行遵照期歸一律得 旨如所議行○戊寅諭本日刑部奏朝審冊內絞犯李氏情節初有可原請旨遵行一摺據稱反獄案內守法未動各犯遵查量予核減惟李氏同屬北監因係另屋不得一體查辦未免向隅等語此次未經反獄各犯前經降旨飭查業經分別施恩減緩該絞犯李氏既係另禁一屋且案情殘忍何得遲至數日之後率相牽引奏請恩施李氏著仍入情實予勾該部堂司各官於人命出入重案率意奏請均著交部分別議處○己卯以廷杰爲熱河都統○以鐵良爲戶部尚書松壽爲兵部尚書○以柯逢時爲戶部右侍郎仍督辦各省籌捐事宜○政務處學務大臣奏本年九月初十日准軍機處鈔交山西學政賈熙奏擬請設立學部摺片各一件奉 硃批政務處學務大臣議奏片併發欽此原摺內稱學制變更伊始必須有總匯之

區請速設學部科舉既停禮部國子監公事愈形清簡似宜統行裁撤歸併學部禮部應辦典禮即責成太常寺鴻臚寺慎重將事等語現在停止科舉專重學堂整理一切學務不可無總匯之區自應特設學部以資管轄查國子監現管事務較簡擬請即將該衙門歸併學部其詳定員缺數支經費及應辦事宜均俟奉 旨後由該部妥籌詳酌奏明請 旨施行國子監祭酒司業擬即裁撤另以相當之缺補用未經補缺以前銓俸一切均照裁缺通政使司堂官之例監丞以下人員不乏可用之才如何分別改用留用及原有監內肄業各生並所設學堂均由學部酌數辦理禮部太常寺鴻臚寺典禮攸關應請歸入議擬載振摺內再行詳議具奏原奏又稱學堂教員宜列作職官編定課本宜變通辦法學生冠服宜定制度等三條學務大臣查教員關係學生功課至為重要近日京師各學堂教員即有視作兼差每致曠課之弊如不定為實官辦法誠多窒礙應俟設部後會同政務處吏部詳定品秩奏明請 旨施行學堂課本採用各省官局及私家所編教科書與現在編書局辦法相同業於該覆出使大臣孫寶琦摺內奏明在案學生冠服近准湖廣督臣張之洞咨送試辦章程及製就程式正與各學堂監督悉心考究應由學部詳加酌定奏請通行再寶熙附片奏稱如禮部未便裁撤將翰林院歸併學部並疏通請以下等官出路等語等現擬以國子監歸併學部原奏請以翰林院歸併之處亦毋庸議惟翰林各員學問素優

升途轉臨誠如原奏所稱未免向隅應如何量予疏通之處應由學士酌核奏明請 旨辦理正在核議間復准軍機處先後鈔交翰林院代遞編修尹銘綬等條陳改立學部將翰林院衙門歸併摺單各一件順天學政陸寶忠奏請立文部條陳學務一摺江蘇學政唐景崇奏專辦學堂敬陳管見一摺均奉 旨政務處學務大臣議奏欽此查陸寶忠請立文部一節已於寶熙奏內議准唐景崇請定地方官賞罰一節應俟學部設立妥定章程後再由政務處學部會同吏部詳核辦理其關繫學務變通整頓各條學務大臣查原奏所陳或爲定章所未備或已渾括於定章之中而辦法須求詳盡統俟學部設立會同政務處隨時奏明請 旨辦理至尹銘綬等所請翰林院歸併學部及疏通翰林院各官出路之處均於寶熙奏內詳細核覆應毋庸重議 上諭本日政務處學務大臣會奏議覆寶熙等條陳一摺前經降旨停止科舉亟應振興學務廣育人才現在各省學堂已次第興辦必須有總匯之區以資董率而專責成著卽設立學部榮慶著調補學部尙書學部左侍郎著熙瑛補授翰林院編修嚴修著以三品京堂候補署理學部右侍郎國子監卽古之成均本係大學所有該監事務著卽歸併學部其餘未盡事宜著該尙書等卽行妥議具奏該部創設伊始興學育才責成甚重務當悉心考核加意培養期於敦崇正學造就通才用副朝廷建學化民成俗之至意○庚辰商部奏 臣部於光緒三十一年七月間據考察商務大

臣張振勳呈稱欽奉 簡命考察外埠商務兼辦閩廣農工路礦事宜業在廣州省城設立總公司咨明在案惟事一端力難並舉先其所急首重路權而路權之介於閩廣者則自廣州以達厦門實爲通陸之要道查南洋華僑多精練閩廣今就其桑梓之區爲闢其利源使其行旅集款圖成計必易於激勸振勳一再籌維竊謂修築厦鐵路實足以上佐 國家要政俯順閩廣商情其路線所經大概自廣州東門外起迨至黃埔由黃埔經增城東莞石龍鎮惠州府博羅海豐陸豐縣境以至潮州而徑達福建之厦門是爲幹路現在擬先以廣州之黃埔鎮爲首段業於本年二月間派員帶同洋工程師前往履勘地勢宏闊且瀕海水深數十尺爲香港輪艘往來必經之途安設車站而外並擬援照山東等處自開商埠成案將黃埔一隅闢作商場建築碼頭貨倉無論何國載貨海輪均可停泊卸貨藉以稍分香港屯運之利權至該處民居廬墓悉可改繞越避軌道計長可三十餘里地價工料等項估銀八十萬兩擬分作八千股每股科銀一百兩專集華股開辦伊始恐信從不廣卽由振勳先行籌墊以爲商股之先聲擬具廣埔鐵路大概章程二十一條咨呈鑒核懇請奏明立案等因前來查 臣部於上年八月間奏請 特派該大臣張振勳考察外埠商務兼辦閩廣農工路礦事宜原奏內曾聲明先令專集華股認真提倡擇選要地築路一段爲程式等情業蒙 允准飭遵在案茲該大臣先請籌墊鉅款築造廣埔一段鐵路基礎既

立再行續招商股展造廣厦全股誠得提倡要領時值臣部署右丞王清穆行抵廣州遂電囑詳細查勘  
修築該路是否合宜旋據電稱該大臣注意廣厦爲維繫南洋閩廣僑商起見其以廣埔爲首段意在振  
興商埠亦屬兼籌並進之謀亟應妥速籌辦以符奏案等語臣等復與兩廣督臣岑春煊電牘互商茲據  
臣稱鐵路商場均目前要政粵省爲商務競爭之區辦理尤不容緩惟嗣後關稅如何徵收路綫如何取  
道至於廣厦鐵路跨連閩粵兩省亦應統籌全局詳核咨送各等語臣等伏查興辦鐵路實與地方有密  
切之關係岑春煊兩稱各節洵屬勦中窺要擬令該大臣張振勳一面迅速招商集款一面迅速勘路收  
稅各節與岑春煊詳細咨商仍隨時咨報臣部核定以期妥洽至該大臣原送章程二十一條臣等詳加  
酌核與歷辦各省鐵路章程尙屬相符合無仰懇 天恩俯准先行立案以重路務如蒙 俞允當由臣  
部分別咨行遵照辦理得 旨如所議行○辛巳綏綏山東青城等九十四州縣被水錢糧○壬午 上  
諭 壽皇殿行禮○乙酉奏移 吉妃金棺暫安 國寢○丙戌諭丁振鐸奏特參辦事荒謬貽誤地方  
之通判請旨嚴懲一摺據稱本年三月閩川境巴匪倡亂擾及維西總之阿敦地方業經擊退詎通判李  
祖祐帶團前往該處率將土千總禾文耀正法並有勒索供應情事以至眾情激怒釀成重案復委符籍  
友汪如海通事趙天錫將兩人處斬請將該員革職發往軍臺充當苦差等語昨已有旨將李祖祐先行

革職監禁似此濫殺無辜糜爛地方實屬荒謬已極罪不容誅僅如該督所請不足蔽辜李祖祐著即行  
正法以昭炯戒○己丑電 諭邊疆籌辦奉天墾務事宜○兵部奏本年六月十九日奉 上諭近來  
兵法日變器械日新嗣後八旗王公均當深求兵學修明武備所有引見人員例應持弓者著毋庸持弓  
其出入應從宮禁守衛官兵所備軍械尤應變通盡善至挑取各項侍衛拔補內外官員挑選滿漢兵丁  
應如何驗其學識試其臂力者其藝能之處均著御前大臣會同兵部妥定章程奏明辦理等因欽此仰  
見 朝廷振武圖強實事求是之至意欽服莫名伏維政因時而制宜法以通而可久我 朝經武之規  
超越前古自 禁衛以及旗綠營制一切典章法度備極詳明祇以日久相沿浸忘精意風會遞變莫守  
良規此皆官不知學兵失其教之所致也此年迭奉 詔書敦飭各省練兵興學茲復 特降明諭切  
宣示俾知精研兵學自王公大臣始修明武備自 宮禁守衛始而親衛各職以至士伍亦必各求實際  
慎選於初大哉 皇帝立自強之根本振尚武之精神胥在是矣 等細釋 聖訓悉心參考先為目前  
整頓之計並及將來經久之方蓄制之宜酌者不敢拘牽遷就稍涉模稜新法之宜興者務求通變化裁  
以期允當謹擬辦法分條開列恭候 聖明採擇施行一東西各國自貴族以至國民皆有當兵年限今  
王公大臣子弟肄習兵學業經練兵處奏准開辦貴胥學堂並於章程內聲明其年長不合定格與充當

差使之王公世爵礙難入學受學而情殷尚武書俟開學後另訂專章奏請入堂聽講以示優遇等語應  
卽照章於學堂內設一齋專講習所以便王公世爵隨時到堂研究兵學所有詳細章程仍由練兵處續  
擬具奏一緣營引 見人員前經兵部奏准一律改習鎗礮赴部時分期考驗惟京外各旗及東三省旗  
員王公門上護衛各項仍考驗騎射隨時帶領今奉 明諭所有引 見人員著毋庸持弓擬請嗣後京  
外各旗及東三省旗員赴引均照綠營成案一律辦理倘考驗時施放不能如法發回原處勒限一年學  
習限滿仍不如法者革職至土公門上護衛等項卽由各王公揀選合例人員徑行咨送該旗帶領引  
見毋庸考驗其各旗營比較箭文挑補官兵等事應卽停罷又定例點驗旗員及兵丁軍械久成具文亦  
請一併停止一恭遞 聖駕出入屬從各官應佩弓矢屬護衛者一律改爲佩刀前引之先後屬之次請  
以舊衛 禁廷之陸軍各執新式鎗械由統領統帶等官恭率護衛京城以內應酌派步隊兩隊分列前  
後護衛京城以外應酌派步隊一營馬隊兩隊分列前後左右護衛過有 謁 陵行圍差使屆時奏添  
隊數此外一切儀制仍照舊章敬謹預備其舊設之十五善射等員與各處弓箭匠役以及採取弓斡矢  
箭置備畫角海螺等項均卽裁撤一守衛 宮禁爲親軍營前鋒營護軍營專責乃歷年既久積習太深  
非改弦更張竊恐糜廢弛斷無起色恭溯 國初定制上三旗皆 天子所自將出任征討入供宿衛

勛勳特隆漢之羽林伏飛唐之龍武神策未能比擬萬一今欲名稱其實宜按新軍章程另行設立應衛軍於京外各旗及各省已編成鎮諸軍內慎擇品學兼優之官長操法純熟之兵丁調取編練出則應從入則守衛歸 御前大臣管轄此制既行天下材武之士皆知得與榮選益將爭自濯磨於軍隊觀感尤有裨益其一切編制應由練兵處會同 臣等詳細籌議續行具奏一親軍前鋒護軍等營官兵擬請 特派大臣分別考驗其年力富強之官員撥入陸軍學堂肄習仍給原俸體恤精壯之兵丁分送各鎮陸軍挑選教練仍給原餉三年後或撥歸應衛軍或回旗以應補缺分錢糧升補改補屆時核其程度分別辦理此外不合格者官員對品以旗員改補兵丁撥旗以馬甲坐補分年遞裁期以十年裁盡逐年騰出底餉由戶部節存以備編練應衛軍之需備設之撤袋弓箭應即裁撤一親軍前鋒護軍等營遞裁以後應衛軍未經編設以前凡例載守衛 禁門傳籌散閉稽察出入各差使應酌調現經編練之陸軍官兵與未經裁撤之親軍等營官兵一併輪值分定章程各專其責俾資遵守以免互相諉卸之弊仍由各該管大臣隨時認真稽察以昭慎重惟此項兵丁宿衛 禁廷關係甚重現任用北洋留駐之陸軍一俟京旗陸軍調撥來京如何分派更換屆時再行奏明請 旨一侍衛為近 御差使品秩清嚴自 開國以來以宿衛材官出為名將者指不勝屈現值振興武備尤宜特重其選擬請嗣後挑取侍衛擇陸軍各鎮著



有成績之軍官及至陸軍學堂優等畢業之滿漢世職人員一體與選由各該管大臣出具切實考語咨送 御前大臣領侍衛內大臣同考驗相符者帶領引 見請 旨補放仍仿古者番上宿衛之意以二年爲一班班滿之日軍官發回本缺以應升之缺補用世爵世職發往練兵處以應升應補之軍職酌量補用頭班期滿咨取二班以次更代如有才猷出衆勞績卓著者准由 御前大臣等奏留恭候 特恩擢用挑升禁衛職秩俾昭激勸現在當差之侍衛除與內已另設學堂照章分別入堂及隨時講習外其餘均由該管大臣擇年力富強資聰敏者咨送陸軍學堂肄習凡侍衛及親軍等營課程應由學堂將會典所載宿衛事宜及日本等國衛兵諸制擇要編輯作爲一科與各項科學並設肄習三年期滿回京當差升等補用其年齒已長不能受學之員仍令照章供職惟不得挑升等第以示限制一挑選旗兵擬一律改用鎗枝並試以文字惟快鎗係屬利器初習者稍有不慎恐致失誤且平日演習子彈所費尤屬不貲近來中國工匠類能仿造洋式氣鎗照準命中與各式鎗枝無異擬暫令各旗營就近購備在原設箭場演習遇挑補缺分時兵丁以發鎗中數及識字多少爲比較均責成該管大臣秉公校閱按格挑補自奉 旨之日起即將所出缺分扣留凡例應挑補各丁勒限三箇月演習氣鎗限滿卽行考驗各省駐防一律辦理嗣後擬由 臣部參仿各國教練新兵及體育操快鎗章程另定簡易妥善辦法咨令

各旗營駐防遵行以收實效至各項漢兵擬暫照現行章制按格挑選惟募補係權宜之計往往有籍貫  
不清及逃亡之弊應請飭下練兵處妥議徵兵辦法奏明施行於軍事方有裨益一定制旗員揀選月  
缺每年扣副將一缺參將二缺遊擊一缺都司三缺爲大揀補缺此外直隸山西陝西甘肅四川松潘一  
鎮遇有副將遊都守應用旗員缺出亦扣歸揀補爲小揀補缺均由兵部行文八旗侍衛處及鑾儀衛內  
務府步軍營等處咨取合例人員於次年二月內奏請簡派大臣會同兵部公同揀選取其騎射優嫻  
讀例明晰者帶領引見請旨補授今既一律改習鎗枝若仍舊舉行殊非審一武備之道擬請嗣後  
小揀補缺卽行停止將直隸等省向歸旗員揀補各缺均改爲題補之缺其大揀補事例臣部毋庸先期  
扣缺暫歸外補其例應咨取人員由部發給執照送陸軍學堂肄習三年期滿由學堂將該員功課分數  
造具清冊分別等第咨回其程度合格者由部註冊遇有各省部推缺出屆時當釐定輪缺章程將此項  
人員擬選帶領引見請旨補授惟各處咨取人員向以五十五歲爲限今擬改爲四十歲爲限倘所  
學程度未能合格任缺勿濫此係暫行辦法俟綠營遞裁官缺遞減後卽分別停止一各項滿漢世爵世  
職奉准承襲後無論已否赴部帶領引均應入陸軍學堂肄習其學課仿照侍衛及親軍等營咨送學堂章  
程辦理三年期滿擇其列入優等堪膺宿衛之選者咨送考驗倘學課精進能與陸軍學堂同班畢業卽

照學員授職章程另行辦理凡未入學堂者雖已授職祇以減半給俸不准補官以示區別如係世職佐領應於出缺時由本旗揀員暫署仍將應襲之員送學堂肄習年滿回旗再行請襲以上各條係就暫行之法及經久之規統計兼籌約舉綱要惟政關沿革事鉅且繁必須逐細研究庶可推行盡善應俟命下之日由臣部通咨各該管大臣遵照辦理所有未盡事宜仍由臣等分別妥議隨時具奏以期詳妥得旨如所議行○庚寅調特圖慎爲吏部左侍郎薩廉爲禮部左侍郎○崧蕃因病奏請開缺不允予假一月調理○商部奏自中外互市以來工商各業尙待振興全恃天然富宥之礦產以資補救尙以商情不因運道不通稅釐苛擾致令華商所辦之礦僅有開平萍鄉兩處差堪抵制現開平尙與英商涉訟未結萍鄉亦實本未充煤炭爲輪船鐵路所必需正待竭力擴充以免利權外溢臣部於光緒三十年二月奏定礦務章程第三十四條內開礦產出井視品類之貴賤以別稅則之重輕第三十五條內開礦產出口關稅仍照稅關章程徵收納此稅後其內地釐卡概不重徵等語原係於國家抽收經費之中仍寓體恤華商之意業經通行各省遵照在案近來風氣日開各商請辦煤炭等礦較前漸多雖商力棉薄尙未造端宏大而觀瞻所繫如果辦有成效羣情鼓舞自在意中惟各省所收釐稅未盡遵照定章往往於出井出口兩項外藉詞加徵卽如山東嶧縣之華德中興煤礦公司自光緒二十四年歸鹽運司張蓮芬

接辦之後每煤一噸在山東准關兩處統共納稅釐銀二錢七分係在臣部未設以前遵照路礦總局章程參以開平煤礦成案辦理核其數目已較臣部定章每噸溢收銀二分而江省督撫復據寶蘇滬各釐局議詳擬徵落地釐金每噸一錢臣部近接山東巡撫咨稱據張運芬等各處釐金分局暨稱現奉總局飭收煤礦落地捐項紛紛嚙舌煤銷數因之大減又山西陽曲縣之王封山礦礦本年七月經臣部批准由湖南試用道劉鳳散辦一切按照部章辦理而晉撫以該道原定章程有出礦之後每斤完納釐錢六文之語不得續請豁免當經臣部駁令仍照礦章於完納出井出口稅後概不重徵以歸劃一而晉撫來咨仍以晉省無常洋各關此項礦斤並不經由關口毫無關稅可收自無重徵徵收之慮且礦較煤礦獲利倍饒礦產免釐應請俟之商初加稅免釐通行以後為詞不知臣部奏定礦章原有抽納出井稅之條礦產一經出井即須納稅本省不虛無稅可收內地行省未設常洋各關者甚多若皆引此為詞則部章幾同虛設中國地大物博磅礪積至今日而將大洩其菁華目前風氣初開正宜因勢利導抽收釐稅豈容歧異明知各省庫藏支絀在各疆臣注茲摺彼亦有不得已之苦衷而奏定章程自宜一律遵守且查長江一帶向銷英日煤焦山東則多用德煤洋煤之稅既輕華商之力又薄相形之下不足抵制為難礦尤可隱憂相應請旨飭下各省將軍督撫一體遵照無論所屬礦地稟請開辦在臣部定章

先後不得於奏定章程完納出井出口稅外別有徵收以恤商艱而昭定制得 旨如所議行○辛卯侍講學士邊壽奏請變通旗營制得 旨練兵處戶部議奏○癸巳予故駐藏幫辦大臣鳳全於四川省

城遠利稟請交國史館立傳○甲午諭兵部理藩院會奏議覆溥頤等奏遞陳臺站墩界積弊請申明定章開單呈覽並酌給津貼各摺片據稱臺站定例本屬甚嚴日久弊生官員弁兵肆行虐累亟宜嚴定章程變通辦法等語著各都統及將軍大臣等遵照單開各節一體辦理遇有馳驛公務暨差遣員役准照議定章程核實給不得瞻徇情面稍涉洋濫各站供應亦著一律遵辦此項出差人員減戶部按照程途酌給津貼以利進行如再有前項擾累情事即著該都統等據實糾參從嚴懲辦以重臺政而恤黎艱

○乙未冬至大祀 天於 闕丘 上親詣行禮○中日新約成其文曰 大清國 大皇帝陛下大日

本國大皇帝陛下均願安定光緒三十一年八月初七日即明治三十八年九月初五日俄兩國簽定和約內所列共同關涉各項事宜茲照上開宗旨訂立條約為此 大清國 大皇帝陛下 閣授 欽

差全權大臣軍機大臣總理外務部事務和碩慶親王 欽差全權大臣軍機大臣外務部尚書會辦大

臣福鴻璣 欽差全權大臣北洋大臣太子少保直隸總督袁世凱大日本國大皇帝陛下簡授特派全

權大使外務大臣從三位勳一等男小村壽太郎特命全權公使從四位勳二等內田康哉為全權大

臣各將所奏全權文照校閱認明俱屬妥善商訂定各條款開列於左 第一款 中國政府將俄國  
按照日俄和約第五款及第六款允讓日本國之一切概行允諾 第二款 日本國政府承允按照中  
俄兩國所訂借地及造路原約實力遵行嗣後遇事隨時與中國政府妥商釐定 第三款 本條約由  
簽字蓋印之日起即當施行並由 大清國 大皇帝陛下大日本國大皇帝陛下 御筆批准由本約  
蓋印之日起兩箇月以內應從速將批准約本在北京互換為此兩國全權大臣繕備漢文日本文各二  
本即於此約內簽名蓋印以昭信守 附約 第一款 中國政府應允俟日俄兩國軍隊撤退後從速  
將下開各地方中國自行開埠通商 奉天省內之鳳凰城 遼陽 新民屯 鐵嶺 通江子 法庫  
門 吉林省內之長春即寬城子 吉林省城 哈爾濱 齊古塔 琿春 三姓 黑龍江省之齊齊哈爾  
海拉爾 愛琿 滿洲里 第二款 因中國政府聲明極盼日俄兩國將駐紮東三省軍隊暨護路  
兵隊從速撤退日本國政府願副中國期望如俄國允將護路兵撤退或中俄兩國另有商訂妥善辦法  
日本國政府允即一律照辦又如滿洲地方平靖外國人命產業中國均能保護周密日本國亦可與俄  
國將護路兵同時撤退 第三款 日本國軍隊一經由東三省某地方撤退日本國政府應即將該  
地名知會中國政府雖在日俄和約續加條款所訂之撤兵限期以內即如上段所開一准知會日本軍

隊撤畢則中國政府可得在各該地方酌派軍隊以資地方治安日本軍隊未撤地方倘有土匪擾害關  
關中國地方官亦得以派相當兵隊前往剿捕但不得進距日本駐兵界限二十華里以內 第四款

日本國政府允因軍務上所必需曾經在滿洲地方佔領或佔用之中國公私各產業在撤兵時悉還中  
國官兵接受其屬無須備用者即在撤兵以前亦可交還 第五款 中國政府爲妥行保全在東三省

各地方陣亡之日本軍隊將兵墳塋以及立有忠魂碑之地務須竭力設法辦理 第六款 中國政府

允將由安東縣至奉天省城所築造之行軍鐵路仍由日本國政府接續經營改爲專運各國工商貨物

自此路改良竣工之日起除因運兵回國耽延十二箇月不以十五年爲限卽至光緒四十九年止屆期

彼此公請一他國公估人按該路建設各物件估價售與中國未售以前准由中國政府運送兵丁餉械

可按東省鐵路章程辦理至該路改良辦法應由日本承辦人員與中國特派人員妥實商議所有辦理

該路事務中國政府按照東省鐵路合同派員查察經理至該路轉運中國官商貨物價值應另訂詳章

第七款 中日兩國政府爲圖來往輸運均臻興旺便捷起見妥訂南滿洲鐵路與中國各鐵路接聯

營業章程務須從速另訂別約 第八款 中國政府允南滿洲鐵路所需各項材料應豁免一切稅捐

釐金 第九款 所有奉省已開辦商埠之營口暨雖允開埠尙未開辦之安東縣奉天府各地方其劃

定日本租界之辦法應由中日兩國官員另行妥商釐定 第十款 中國政府允許設一中日木植公司在鴨綠江右岸地方採伐木植至該地段之狹年限多寡暨公司如何設立一切合辦章程應另訂詳細合同總期中日股東利權均攤 第十一款 滿韓交界陸路通商彼此應按照相待最優國之例辦理 第十二款 中日兩國政府允凡本日簽名蓋印之正約暨附約所載各款遇事均以彼此相待最優之處施行 本約由本日簽名蓋印之日起即當施行並本日簽定之正約一經批准本約亦視同一律批准為此兩國全權大臣各奉本國政府合宜委任繕備漢文日本文各一本即於此約內簽名蓋印以昭信守○丁酉以寶熙為內閣學士



光緒一百九十八

臣朱壽朋敬編

臣潘鴻鼎恭校

十二月庚子以俄約將次開議飭唐紹儀勸察中俄界址○諭商部奏參領瑞徵辦事膠混藉端招搖請旨懲辦一摺現在振興商務招商集股端在誠信相孚豈容不肖官員影射朦混任意妄為乃該參領等在吉林擅稱商務議員並有冒支欸項情事實屬荒謬記名副都統即補參領瑞徵著即行革職並著該旗嚴拿押解回吉歸案究辦以示懲儆○辛丑 上諭 大高殿祈雪○興修粵漢鐵路○以盛宣懷前與俄商訂立山西平定州盂縣礦約喪失利權飭商部確查覆奏○楊士驥奏山東黃河工欸重要七項常捐實難停止請再展限一年以資彌補下戶部議奏○壬寅以河南省城故四川提督宋慶祠列入開封府祀典○諭朕欽奉 慈禧端佑康頤昭豫莊誠壽恭欽獻崇熙皇太后懿旨禮部奏元旦禮儀一摺元旦令節皇帝率王公百官著在皇極殿行禮停止筵宴其在外公主福晉命婦均著進內行禮○陳慶龍奏豫省興辦農工商一切要政需欸甚亟請仿照湖北江南等省開辦協捐彩票下部知之○戶部奏洋欸還金以隨時市價為準上海係通商口岸交易會萃之場從前因還欸尙少卽由總理各國事務衙

門札飭江海關道就近一手經理自庚子以後新舊洋款積至四千餘萬幾居中國財賦之半鎊價稍有低昂出入卽已不少現在江海關運交涉日繁此事尤關重要必當力求審慎期於得人共理查有奏派總辦上海分行四五品京堂陳宗煥綜核精詳究心財政且還款買鎊一切事宜亦國家銀行所應周知擬卽派令該京堂就近與該關道會同商酌辦理並隨時稟報 臣部稽核庶昭縝密得 旨如所議行○癸卯 上詣 奉先殿 壽皇殿行禮○甲辰允給事中劉學謙奏飭各省設立半日學堂○乙巳閩浙總督崧蕃卒于祭葬贈太子太保卹○飭商部編纂全國鐵路礦產表○丁未諭趙爾巽奏省民困未蘇請將民欠未完各項糧租概予豁免一摺奉天地方頻年兵燹迭遇偏災前經降旨將被兵各路村屯應徵各項糧租准予豁免茲據奏稱未經被兵之處失業流亡輟耕遷避者尙復不少若將積年民欠一併催徵民力實有未逮加恩著照所請所有盛京內務府並各旗界各府廳州縣應徵三十年以前民欠未完各項糧租著概予豁免已徵在官者毋庸流抵本年如有花戶流亡地畝未經播種者均准查明豁免至昌圖府及所屬州縣各設旗著理藩院轉飭免徵三十年以前地租以蘇民困○商部奏光緒三十年十月間接據江西通省京官呈稱江西全省鐵路允宜早日籌築業經京外各紳互商合力協心事在必舉懇請奏派頭品頂戴前江甯布政使李紳有葵總辦路務等情當由 臣部據呈奏請奉 旨允准在

案編經臣部傳知該紳等並令妥速擬訂章程去後茲據呈稱京外各紳往返函商詳慎核議現由李紳  
何英暨在籍各紳士公同擬具詳細章程實寄到京山同鄉京官覆加的核計分爲定名辦法籌款分贖  
四章共三十七條均係按照各處鐵路章程編具清單呈請查核奏明立案俾得早日舉辦等因臣等伏  
查江西全省鐵路該省京外各紳均能統籌全局力主自辦洵屬挽回利權之盛舉惟是軌長費鉅自非  
多方籌措未易圖成查閩所訂籌款章程十六條其贖斤加價及招股購地各項尙屬詳細妥協惟務須  
辦理合宜庶不致有所擾累至辦法十條先從幹路入手自南昌至九江爲第一段由南昌至吉安爲第  
二段由吉安至贛南以備接續廣西鐵路爲第三段然後再及枝路亦屬條理秩然其附設銀錢號以資  
匯兌附設學堂以儲路材尤關此路切要之圖等復加詳核大致尙屬妥協將該紳等原擬章程敬  
繕清單恭呈 御覽如蒙 俞允應由臣等傳知該紳並咨行該省督撫欽遵辦理得 旨如所議行○  
己酉以龐鴻書爲湖南巡撫英瑞爲湖南布政使顏鍾騷爲湖南按察使○以端方爲閩浙總督○兵部  
尙書徐曾漣卒予祭葬○諭理藩院代奏土觀呼圖克圖呈請駐京當差請旨一摺土觀呼圖克圖前四  
捷均曾駐京賞給靜修禪師名號今該呼圖克圖業經瞻觀懇祈駐京當差出於至誠卽照所請准其駐  
京加恩仍賞給該呼圖克圖靜修禪師名號給予副扎薩克達喇嘛職銜並賞印敕○張之洞奏賠款一

項戶部行令各省籌辦湖北省派至一百二十萬兩臣當時會同前撫臣督同司道各府廳州縣籌餉傳集紳商分認足數雖各屬辦法不同大率出於丁漕券票等項或兼資稅契或取給鋪捐計攤歸各屬州縣撥解者約共銀六十萬兩奉知此款關係中國安危大局不敢不強忍遵從頻年以來勉力輸將民情極爲困苦漸有力不能支之勢自上年臣回任後正值 明詔興學頒定學章亟應於各州縣編設高等初等小學堂以普教育而各屬紳民咸以籌繳賠款捐已屬萬分竭蹶更無餘力再籌興學之資臣以興學爲當今急務不容須臾或緩此項賠款捐資諸民間本多勉強若將此款改留各州縣興辦學堂則以本地之財興本地之學父兄出資以培其子弟子弟力學以答其父兄一轉移間名正言順實足以化怨爲爲絃誦與司道籌商定議另就本省土產捐撥銅幣並餘等項酌量加提湊足每年賠款應解之數依時解足不誤償期而各州縣之賠款捐均改爲學堂捐經於三十年八月起札行各屬州縣令將賠款捐全數免解留充本地辦理學堂之用名曰賠款改學堂捐令各屬州縣照原派之額另款收儲與本地端正紳士公同管理專備各種學堂之需不准挪作他項公用因改辦之初民力能否支持民情是否允洽未敢遽定現已試辦一年民間知所納之款即爲培植本地人材之用尙能遵章完繳自應奏明立案自有此項學堂捐經費有著各屬州縣均能遵照奏定學堂章程將高等初等小學及師範傳習所爭先

舉辦並選派學生貢送省城及日本學習師範專科以備各小學堂教員之用一洗從前觀望遷延之習此後漸次擴充必當使民智日開人材蔚起以仰副 朝廷興學培材之至意下戶部知之○庚戌以陸寶忠爲左都御史○調呂海寰爲兵部尙書以陸潤庠爲工部尙書○諭都察院奏京察屆期據實參劾一摺軍河南道監察御史崇陔河南道監察御史覺羅忠林暨名平常均著勒令休致以肅臺綱○諭前據御史蔡曾源奏參疆臣徇縱吏枉法一摺當經諭令周馥確查茲據查明覆奏安徽巡撫誠勳實無信任徇縱情事著卽毋庸議亳州知州宗能微聽民婦出入衙署僥倖請託不知違嫌並於盜掘墳塚重案諱匿不報有意開脫實屬昏庸謬妄昧理喪心吏目李銘串通捏飾贖改妄爲均著卽行革職永不敘用○遺 詔 興奏本年十一月二十日欽奉 諭旨奉天墾務事宜著趙爾巽妥籌辦理等因欽此遵將接管墾務日期電奏在案查振興地利必以農墾爲大端奉省近年內則辦大凌河東西流水諸荒外則辦科爾沁扎薩克圖鎮國公兩蒙荒非特荒租等項共救匱乏急需且殖民實邊尤固圉之長策前經務大臣廷杰擬辦清理地畝及丈放錦州河淤等地二十二處均經先後會同奏邀 聖鑒 奴才現將各省墾務通籌辦法一曰先辦錦屬官莊奉省現墾各項地畝有隸圍牧者有係王公勳戚莊園者有係八旗官地及民人產業者 國初撥放多崇寬大後來占闢移曠日多現期一律清釐斷非急切所能竣

事且官中文冊前經廷杰調查京外各署地尙未齊全民間契據文憑更多散失迷幻惟廷杰前奏戶部  
內務府莊頭等地積弊日深自應及早清釐以裕經賦現清釐各項地畝卽先從此入手一切辦法如有  
應按原奏酌量變通者隨時奏咨辦理俟該處官糧莊頭等地辦清再推及他處一曰丈放錦屬海退河  
淤及各處滋生地畝奴才前已會同廷杰將該二十二處奏請全數丈放以杜侵欺而恤兵艱數月以來  
各委員繩丈所報尙不及十分之一擬飭趕於明年春耕以前逐一丈清以正經界而濬綱源此外如查  
有各處滋生荒熟之地亦飭一律丈辦一曰勘辦蒙荒奉天蒙荒除已放各旗外未放之地以科爾沁右  
翼圖什葉圖旗爲最鉅奴才於九月間卽飭前辦扎薩克圖等旗蒙荒之道員張心田馳往該旗妥爲勘  
辦現據報該旗親王葉島海順協理印務台吉德里克尼瑪率同全旗官員等願將東界閒荒出放北自  
茂改吐等山南至德勒四台吉巴冷西拉等處南北長三百六十里東西寬一百四十里計得毛荒六十  
四萬八千晌現議富強蒙部自必以放荒爲先而各旗台莊向食其利者又多搖惑各王公以阻撓放荒  
爲得計該蒙旗經奴才才諭開導卽肯呈報大段閒荒爲各旗提倡允稱忠於爲國奴才已札行嘉勉擬  
另行具奏請 旨獎勵併將丈放該荒詳細章程分別奏咨其自遼瀋州至新設洮南府界中更科爾沁  
右翼達爾漢王旗地二百餘里皆係荒地並無旅店民戶於接遞文報奔緝盜賊慮恤商旅均多阻礙擬

飭該旗將此段荒地報放或酌放道旁站地期以聯昌洮之形勢收戡匪安民之效扎薩克圖旗亦查有可續放荒段他若博多勒噶台各土旗併飭查明如有閒荒分別勸墾以濬利源一曰振興農政秦省天府上腴內地北省多有不及而治田無法穰歉聽天坐擁東西遼河大凌河諸川竟無涓滴水利竊謂如採用各國機器治田及內地引渠灌地諸法相度土宜加意經理總可使收穫加豐旱荒有備現已派委員隨同出洋考察政治大臣於赴歐之便詳詢農功考察機器以資試驗併飭各屬先就小河枝水試辦鑿渠諸法統俟辦理有效再行上陳現在時局日艱民生重困國富之計切於圖強就秦事論農懇諸端尤爲當務之急奴才惟有詳加體察殫力經營冀獲得尺得寸之功上副 朝廷重農利民之本意得

旨著卽認真辦理以期漸收實效○辛亥授那桐爲大學士以學部尙書榮慶協辦大學士○以張仁黼爲兵部右侍郎○以張百熙兼管順天府府尹事務○壬子命那桐仍充外務部會辦大臣○以張亨嘉爲左副都御史○賞士觀呼圖克爾照前舊例在紫禁城內騎馬並乘坐綠圍車黃輜○諭軍機大臣等外務部呈遞周馥電據稱上海會審公堂擬變通刑章以期華洋輕重略均等語著刑部迅速議奏○癸丑命巡警部尙書徐世昌戶部尙書續良爲軍機大臣○巡警部奏各國警政精密整齊所以保全國之治安定人民之秩序 臣部奉 旨設立統率各省警務自應通籌全局先求合於現在中國政俗之宜以

漸及夫東西各邦公安之治今當創建伊始設官分職最為重要必使大小相維事權相屬適能各專責成徐圖美備臣等參酌外商兩部官制章程並考求各國警察規則彙編要以綜其成析科目以副其實擬設左右丞各一員左右參議各一員分設五百十六科隸焉以期統屬定而各有等差任使專而無由諉卸且京師地方遼闊從前工巡局辦事人員皆係兼差心力既分職非專畀故數年以來一切規模尙未完竣茲既設立專部且將整頓各省之警制京師為首善之區自應先定額缺俾昭久遠擬請變通舊章改設額缺內外城各設總丞一員參事知事各官分隸焉屬丞為地方表率與各省警務同轄於臣部以一事權所有臣部司員及屬員額缺臣等公同商酌擬就官制章程謹分繕清單恭呈 御覽伏候

欽定再臣部設立伊始事同草創如有應行增減變通之處及部屬各員升轉廉俸一切詳細章程隨時由臣部酌量情形奏請辦理至警務事繁重各國郡縣村町均設有警務專官自應酌擬各省巡警官制以期與部屬內外相通考驗實績即由臣等續擬詳細規制另行奏陳得 旨如所議行○甲寅 上

諭 大高殿祈霽○授世績為東閣大學士那桐為體仁閣大學士○調緩湖北公安等縣州縣被水

被災新鑄錢糧漕米○調緩安徽鳳臺鳳陽各州縣被災新鑄錢糧漕米○開放山東濟南周村濰縣為

商埠○于故記名提督番勇巴圖魯梅東益照軍營立功後積勞病故例從優議卹准於直隸滄州建祠



並附前大學士李鴻章大津專札○丙辰賞道員馮國璋副都統銜充貴州學堂總辦○以張行志爲陝甘固原提督○諭前據錫恆兩次奏參瑞洵景晉等營賊匪弊各款當經諭令連魁確查茲據查明擬奏景晉供出各情瑞洵縱容家丁營私通匪又復捏報添兵均有實據該大臣身膺邊寄應如何整躬率屬乃寬營私袒弊膽大妄爲實屬辜恩瀆職瑞洵業經因案發往軍臺著海碩派員押解來京交刑部嚴訊將各款項如數追出按律治罪京景晉阿附通匪前經革職著連魁拿解來京歸案訊追家丁呂明義翟廣俊詐贓案賄著步軍統領順天府察哈爾都統嚴拿務獲送部一併治罪○練兵處奏近來崇尚武學風氣日開往往有宗室及滿漢侍衛等員呈請咨送外省將弁學堂肄業者查此項人員情殷上進志趣可嘉一俟在堂卒業其於兵事諸學當已研究有得造就堪資若仍令回京當差或處之閒散似非所以鼓舞宗志作育成材擬請嗣後凡宗室及滿漢侍衛等員在各省將弁學堂肄業年滿經練兵處考驗准予卒業後即發往行軍隊量材器使與在營各員一體任用以資歷練而廣裁成得旨如所議行○丁巳諭飭奉天驛巡道陶大鈞籌辦奉天警後事宜○庚申調緩奉天廣寧蓋州等各城縣被水糧租○裁齊齊哈爾呼蘭通肯布特哈爾副都統缺○辛酉上御乾清宮閱戲○諭袁世凱奏請開去兼差一摺現在時事艱難正資整頓該督公忠夙著任事實心仍著統籌兼顧妥爲經理以副委任毋庸固辭

○壬戌雪○癸亥蠲緩河南祥符等四十州縣被災蠲欠錢糧○學部左侍郎熙瑛卒賜卹如例○刑部奏光緒三十一年十二月十四日軍機處片交本日奉 旨外務部呈遞周緝電據稱上海會審公堂擬雙道刑章以期華洋輕重略均等語著刑部迅速議奏欽此鈔錄原電交到部查原電內稱上海會審公堂章程如案內全係華人歸華官審判毋庸領事干預近十餘年凡經工部局會提之華人領事派副領事於早堂陪濟會審交涉之案何國原被即由何國派員又華民犯罪俟會審判定後枷杖以下罪名由華員發落徒罪以上歸上海縣辦理此向來辦案大概情形也本年奏定新章雙道管杖罪仿照外國罰金辦法如無力完納折爲作工謹當遵照辦理但中外情形不同貧民不名一錢無錢可罰工藝廠尙未開辦無工可作現時到案人犯擬分罪名爲五等一交差帶取保保後不再犯即時省釋二公堂暫押取保三交縣發本地保甲管束四管罪自十至五十暫押公堂十日或五十日仍准輕重量爲增減五杖罪按數改爲監禁如杖一百卽監禁百日情重者量加公堂向無牢獄有押所可容男犯百人女犯三十人西人囚犯人日多別建牢以羈華犯現監禁五百餘人頗有連枷鑊等刑戾死者不報華官殊不成事今欲自建一牢約估需五十萬金常年經費十餘萬金經費尙苦無著此時監禁之犯不能不暫借西牢應由憲員批明非兇惡及癩病不加刑具一俟習藝工廠建成再遵照奏定章程辦竣至女犯向押公

堂今擬女犯罪輕者交親族或的保管束如拐帶誑騙之案訂明管押日期以十日為限又錢債案原被告不跪審惟刑名案向華官前跪審但犯者尚未審實已罹熬審之刑殊覺不合如近日黎黃氏以官眷嬌婦誣為拐帶深堪憫惻竊以為洋員陪審無論何犯到堂俱植立聽審俟罪名判定飭其跪聽判詞似較允當等因電由外務部呈遞欽奉 諭旨著 部迅速議奏 臣等竊維上海華洋雜處詞訟繁多凡緝捕拘禁各事辦理稍或失宜皆足以貽口實而滋流弊其原訂會審公堂章程如案內全係華人歸華官審判一條固已劃明極限如果該公堂先事圖維建牢獄並設立習藝工廠何致有婦女羈禁西牢之案至中外刑罰不同彼寬此嚴徒來外人舛酷之譏馴至外人之待華民更加舛酷而不恤如此次黎黃氏被誣管押西牢蓋值漸使然也刑章為法權所繫亟宜酌量變通俾輕重略均庶足以劑其平而善其後茲據該署督電稱管杖改為罰金惟貧民不名一錢無錢可罰工藝廠尚未開辦無工可作現時到案人犯擬分罪名為五等 一 等詳加酌核如差帶取保省釋並公堂暫押取保及交懸管束此三等尙屬周妥應如所議辦理惟管罪改押公堂杖罪改為監禁二等如按管杖實數作為押禁日期未免過重查奏定章程無力完納罰金折為作工應罰金一兩折作工四日以次遞加至十五兩折作工六十日而止等因今該公堂尙未開辦罪犯習藝工廠擬請代以押禁自應按照原定折為作工日期分別代以

押禁昭平允而羅動一又所稱令欲自建一牢經費尙苦無蓄此時監禁之犯不能不暫借西牢應由  
獄員批明非兇犯及瘋病不加刑具等語具見防維周摯該獄員務須切實遵辦仍令趕緊設法創辦習  
藝工廠俾得教養有資庶幾遷善易良該署督又稱女犯向押公堂擬將罪輕者交親族或的保管束如  
拐帶誑騙之案訂明管押押期以十日及百日爲止等語所擬尙屬允協仍令查照婦女贖罪新章分別  
辦理至洋員陪審無論何犯到堂但植立聽審俟罪名判定飭其跪聽判詞亦係矜恤罪犯免罹熬審之  
苦尙屬可行惟既經准免長跪聽審則定案判詞亦應免其跪聽以歸一律總之上海爲通商大埠設立  
會審公堂歷有年所無論華洋案件總須持平辦理尤在委員得人方能保固法權至改良監獄及收犯  
習藝尤爲切要之圖未可恃有借禁西牢苟且補苴日久又滋糾葛應令該署督迅速飭屬興辦俟獄舍  
及工廠告成一律遵照奏定章程核辦以期整齊劃一如蒙 俞允 旨部即行文該署督遵照辦理得  
旨如所議行○甲子以京師及天津等處先後得雪 上親詣 大高殿報謝○調張仁勳爲學部左侍  
郎以張亨嘉爲兵部右侍郎○命呂海寰留辦商約事宜以徐世昌兼署兵部尙書○允張人駿請予山  
西陽曲等二十二縣州縣徵新錢糧米豆土鹽稅調緩水滸展停有差○乙丑以陳兆文爲左副都  
御史○賞章嘉呼圖克圖照前輩例用貂皮坐褥並徵還九龍黃傘仍在嵩祝寺供奉○政務處奏上年

五月十四日奉 上諭欽奉 懿旨著自本年為始每屆年終各該督撫將各州縣分別優劣開列簡明事實奏到後著交政務處詳加考覈分起具奏請旨勅懲等因欽此嗣據各該督撫陸續奏請展緩至次年三月或五月具奏均奉 旨政務處知道欽此數月以來先後咨到表冊計有直隸江蘇山東山西河南四川廣東浙江湖南雲南安徽甘肅熱河福建等十四起未據咨報者尚有湖北江西陝西新疆貴州廣西奉天吉林黑龍江等九省除廣西吉林業經奏准暫緩辦理奉天黑龍江與吉林事同一律亦應暫緩等語業已到表冊十四起詳加查覈分為最優等優等平等四級暨不及一年各員分繕清單恭呈 御覽各州縣列入最優等者擬請仍交各督撫出具切實考語具奏實缺者以應升之缺在任候升署缺者遇缺即補列入優等者擬請交部議敘列入平等者擬請准其照舊供職列入次等者擬請仍由各督撫隨時督飭各該員將應辦各項認真舉辦如果始終不知奮勉即行分別撤參儻各該州縣或已因另案撤參而此次列入最優等者應由該督撫查明原委情節分別公罪私罪請 旨辦理列入優等平等次等者即毋庸置議其未經咨報之湖北江西陝西新疆貴州等省並請 旨飭下各督撫趕緊造報毋得視為具文以期仰副 朝廷綜覈名實勸求民隱之至意抑臣等更有請者圖治之道當以實事求是為歸察吏之方尤以整齊畫一為要臣等查閱各省表冊惟直隸山東最為詳備其餘各省所報

繁簡互殊間涉含混謹擬畫一章程五條請為 皇太后 皇上鑒晰陳之一開報宜覈實也查各省表冊學堂或但云籌辦命監監押或並無已結未結起數甚有於工藝下注男耕女織四字於種植下注棉花三成禾穀七成者一味支吾搪塞尙復成何事體現由臣等酌定表式嗣後務須依式填寫已辦未辦一一核實開報以免匿飾一咨報宜按限也此係奉 特旨飭辦之件原令年底開報即各省奏准展緩亦以次年三月至五月為止迄今又逾數月仍未到齊嗣後近省儘三月遠省儘五月務須一律奏結不得任意延緩一前後任宜界畫分明也州縣蒞任或一二年或三四年不等以前任所辦之事歸功現任殊失情理之平嗣後開報時必須聲明某項原有若干該縣到任後添辦某項若干成效若何以清眉目一優次等級宜有一定限制也學堂當以開設處所學生人數最多者為上次多者為中最少者為下督察工藝種植當以辦有成效者為上已經開辦者為中不辦者為下命盜詞訟當以全無或全結者為上未結不及二成者為中逾二成者為下盜案以全無或全獲者為上過半者為中不及半者為下錢漕以全完者為上欠數少者為中多者為下一州縣宜久任也查各州縣適計到任不及一年者或十之三四成或十之四五成甚且有至六成以上者至於竄缺人員亦復紛紛更調在長官不過為屬員規避處分調劑優劣起見而傳會往來置棋不定勢必人人萌五日京兆之心即事事有一暴十寒之慮嗣後各督

撫務須慎簡庶僚界之久任庶賢者得所藉手而不才者亦無可濫竽矣以上五條俟奉 旨後擬即通行各省一體照辦以免參差而防流弊得 旨如所議行○內寅零○以楊佩璋爲左副都御史○練兵處奏方今國勢積弱事變孔多非擴張兵備無以爲銷萌固圉之資非厚集軍需無以收士飽馬騰之效近年來疊奉 諭旨注重練兵徒以籌餉綦難未能放手措辦然值大局之危迫作未雨之綢繆正宜乘此時機竭力設備縱爲財力所限不能大加恢拓要必須逐漸增練爲得尺得寸之謀此 等所日夜焦思而不敢一息或懈者也本年百方籌措就餉徵兵僅能添練兩鎮來年各省認解部庫練兵經費綜計約在六百萬兩內外除撥明年已練兩鎮兵餉約二百萬兩外實存約有三百萬兩擬自明年始再添募陸軍一鎮照奏定章程編伍訓練至京畿一帶曾調有武衛右軍分紮巡防並有該軍千人宿衛 宮禁惟分巡日久操練未免生疎且該軍僅七千人其餉章營制亦與奏定新章多有不符欲畫一而整齊之亟須酌量變通擬將該軍調集 南苑屯紮益以南洋自強軍兩千數百人照新章併編一鎮其原有之餉計尙不敷當由 臣世凱在北洋設法籌補南洋應解自強軍餉項自明年正月起亦令改解練兵處以便撥放其宿衛 宮禁千人仍留廣東潮州鎮總兵趙匡賢照舊統轄常川當差所部兵丁由屯紮 南苑之本鎮內按月輪調操練以免曠廢此一鎮仍作爲供衛京師之兵而差操均可兼顧至 萬壽山松

樹畦地方向駐兵隊五百人擬調毅軍一營填紮京師地面現糧安靖內城巡警備設已有成效外城向有五城練勇巡緝似無須再派兵隊駐紮如冬防地面喫緊再隨時酌調毅軍數營分紮內城東西北隅專司彈壓不任巡街之役又查山東有武衛右軍先鋒隊二十營係卅世凱撫東時編練近以零星分防漸形散漫且器械亦皆廢敗確資得力擬酌量情形將該軍抽六七成擇地屯紮汰弱留強並增募壯丁照新章編練成鎮就其原有底餉不敷卽在部籌練兵經費內撥補除武衛右軍暨自強軍併編一鎮不敷餉項由北洋另籌外合計新添一鎮改編山東一鎮應須餉項擬請 敕下戶部按月撥發餉銀二十五萬兩交由練兵處支領開放至改練併編三鎮所有建造營房招募經費購辦騾馬防軍車輛採買鎗礮雜械子彈暨各項器具物料所費不資係武衛右營原有器械尙可酌量挑用此外均須逐一置備約計需款五百萬兩上下統由卅世凱設法息借另案奏明辦理以上各節第就現有之餉力分別籌辦非敢謂添足二鎮足以厚兵力而張國威若較之東西列強尙不及什之一二然記有之曰譬如行遠必自邇譬如登高必自卑若謂卑邇爲無益而裹足自封則縱有高遠之境亦終無能至之日矣卅世凱觀時濬勢量力所能爲求事之有濟以期逐漸進步而藉立自強之基者蓋不得不出於此一俟續籌有款仍當隨時擴充冀可鞏固疆域莫安大局用仰副 聖主經武圖強之至意得 旨如所議行○丁卯諭祭



太廟 上親詣行禮○戊辰 上御保和殿賜蒙古王公筵宴○是年統計出口貨直銀二萬二千七百八十八萬八千一百九十七兩進口貨直銀四萬四千七百十萬七千九百九十一兩相抵虧二萬一千二百九十一萬二千五百九十四兩凡徵貨稅銀三千五百一十一萬一千四兩

光緒三十二年丙午春正月己巳朔祭 壽皇殿遣載洵恭代行禮○壬申 上詣 壽皇殿行禮○北

海 萬善殿災○湖廣山東濟甯等州縣本年上忙錢漕租課等項○癸酉子故原任四川總督劉秉璋於蘇州省城建祠○有奏奏本年三月間巴塘番匪聚眾滋事戕官作亂一案奴才先接四川督臣錫良電請飭嚴防曉諭番勇聽諭復承准外務部電稱以藏中關係緊要應即審度事機妥為安撫各等因前來奴才當經督飭委員傳集噶布倫等曉諭藏番令其速飭藏屬地方營官嚴禁勾結並防竄擾復又添派委員等帶領兵丁馳赴察木多乍江卡及接壤之乍岡桑昂等處要隘會同各該處汛弁番官酌量番兵不事警張密為堵禦會將辦理情形電請外務部代奏並繕摺陳明在案奴才伏查巴塘地險人強愚頑難化不剛豺虎性成大肆鴟張腦敵蓄謀造亂戕害使臣及隨從員弁人等焚燬教堂殺斃教士已屬窮兇極惡迨至大軍臨境尚敢負隅自固絕無悔罪之心而又抗拒官兵守險逆戰跡其情專叛逆實同率經提督馬維驥等統兵進剿嚴難效討殲除兇惡邊疆戡平從此 天威遠播不獨川屬番

都督張畏服即附近三礙野番亦深知憚懼矣惟當亂起之初該處土司堪布意在聯合各部番族謀剿  
夷眾奴才深慮句結為患於藏地所關甚大遂傳喚勒丹池巴劉切示諭番官並密示派出委員等嚴為  
防範曉以大義不准番民聽惑謠言暗中助逆以收川藏協力之效果據商上及委員等先後來稟均稱  
匪遁人致信江卡等處以保黃教為詞煽亂句結番官力斥其非拒絕不從等語故雖全藏震動而  
藏境則鎮靜不驚帖然無事者此皆仰賴 朝廷威福綏靖遐荒亦漢番各官力顧大局不避艱險所致  
刻下巴塘既已克復自應及時撤防但漢番各員雖非破敵衝鋒然而戰守同功該員等或疲於奔馳風  
餐露宿或閉導番眾百做百焦最著辛勞洵屬異常出力似應分別獎勵所有尤為出力其次出力各員  
另繕清單恭呈 御覽待 旨該衙門議奏○甲戌戶部奏據雲南廣總督岑春煊奏粵省籌辦要政需  
款孔亟擬借洋款以資興舉一摺光緒三十一年十二月十九日奉 硃批戶部議奏欵此又據電奏  
擬借洋款舉辦要政一摺於十二月二十五日奉 旨岑春煊奏擬借洋款舉辦要政等語仍著戶部議  
奏欵此先後由軍機處鈔交前來查原奏內稱粵東財政困難歲出歲入不敷三百餘萬部中指撥之項  
迭有增加本省籌補之款十不及一年來之所以勉力支持者全恃商號借近因市面蕭條運揮不靈  
每於周轉為難之際不得已輒向匯豐信義等洋行借借百數十萬兩如期歸還故洋商猶能見信然據

退之款並非出自有餘無非設法籌挪勉爲應付左支右絀期促慮多苟且補苴日久將成重累若再不  
急圖挽救則財源枯竭之象固已立形於目前猝遇地方有事益將束手苦慮焦思計非講求生利不可  
粵省本無瘠土地利人力皆足以資開拓如鐵路礦務倡立自來水官紙局開辦銀行及保險公司之數  
者均爲興利良圖而粵漢鐵路業經收回急需款興築若置而不辦則粵省按年攤還贖路本息等項  
無可抵補負累尤深然辦此數事非有大宗的款勢不能舉歷觀歐美各國無一不貸用國債日本以東  
瀛崛起變法自強而戰勝俄人之後仍借國債五千萬磅報紙騰載具有明證且於上年擬借民款三百  
萬爲舉辦要政之需業經奏奉 諭旨交部議准祇以風氣未開開辦數月鮮有應者熟察情形非改借  
洋款不能爲力會向一二洋行商及據云如爲整理財政或爲地方興利尙可貸以鉅資期限略寬子惠  
亦可稍薄竊思粵省財盡民窮盜風滋熾皆由失業者衆游惰日多不籌殖民之方何以爲救貧之具凡  
此鐵路礦務諸端上足以裕國用下足以厚民生其他要政之待舉者尙繁及今不圖後將無及惟是籌  
款之法與其假貸零星辦一事而不足何如振興庶務合全力以統籌擬共借洋款一千萬兩訂以二十  
年分期攤還作爲母金專辦地方生利要政凡指撥解款及本省一切之需但有銷耗而無利益者絲毫  
不得挪用數鉅期連則子金可輕分年攤還則周轉較易數載之後利源日開何患遺負不濟財用弗贖

粵省辦有成效他省亦可接踵而行則轉弱爲強易貧爲富有裨大局良非淺鮮惟擬定週期既閱二十  
年之久臣不能始終在粵誠恐事有變更若非奏奉 諭旨進行不足以昭鄭重而資信守且前准外務  
部咨凡借用銀款亦須先行奏報方免窒礙是以專摺陳明伏念粵省凋敝已極若再不設法籌措將無  
一事可辦臣雖在粵究與大局何裨此舉實爲地方興廢所關不得不迫切籲陳伏祈 聖明俯賜 俞  
允粵民幸甚大局幸甚至各項要政如何辦法孰先孰後應俟借款有著再行分別酌籌辦理又據電奏  
整理粵省財政擬借洋款一千萬兩專辦地方生利之事尤以路政爲最急業經專摺奏陳惟鐵路亟需  
興築待款孔殷因復酌議官款公款集股三種辦法亦已奏報粵省庫儲萬窘民力亦屬艱難所有各處  
籌捐出於萬不得已原以填回股票路成按股分息與商人集股營業無異今既橫生阻礙事敗垂成而  
此路爲粵湘鄂三省權利所關實有不能不辦之勢如何奏擬借洋款得蒙 俞允即可舉辦一切生利  
要政路款藉資轉輸不必盡資民力伏乞 聖慈特旨允准敕部立案各等語臣等伏思中國甲午以前  
所借洋債不盡關於賠款亦欲規行要政爲富強久遠之謀乃事既無成虧累已盈千萬迫東洋馬關之  
約各國聯軍之和強鄰索償輒增鉅債而新舊子母併計幾居一歲財賦之半遂至竭蹶不遑則此時有  
所經營惟當量力而動非可貿然以從事也且外洋所謂國債亦商民借助爲多卽不得已而貸諸鄰實

合全國通籌以執政者操其消息豈若中國各分行省疆吏自理其財至不足而舉債於人猶是內顧一隅之計焉得以國債例之今署兩廣總督岑春煊乃以粵省籌辦要政擬借洋款一千萬以資興舉等因其奏臣等伏思地方生利之事誠不可視為緩圖但以借款舉行則各省皆未敢輕議倘於一省則其端情勢頗嫌偏重與大局諸多窒礙未便率行照准況粵省本非瘠土地利人力皆足以資開拓原委固已言之若必待息借洋款始能興舉要政譬猶富家中落日用漸以不供而瓜田白晝不府以絲粟為積累竊竊然稱貸豪強將經商以逐利初不必喪失資本乃奇贏未賻追迫已踵於門其不以國宅署券者幾希所謂虛名而累實禍也又借款至於千萬洋行斷難輕諾先以何款作抵後以某項歸還均尙虛懸無著即使息輕期遠而此二十年中以四五釐計息每年連還本之數當不下百萬問其要政所舉雖銀行及保險公司隨時可以興辦然華洋各商林立非粵省所能專利若鐵路礦務官紙局自來水等項又非經年累月所能告厥成功是其創辦之初每年先增百萬之遺款所得未必償所費也方今時勢所迫不能不變法自強卽籌款之為難盡人亦當相諒乃必以千萬之資並舉恐難確有把握倘不幸取快一時遺他日無窮之患恐禍不能當此重咎至電奏以路政為最亟關贖回粵漢鐵路本該省紳商所願則用款自應就地求之如直隸之辦公債票不逾年勸集四百八十萬民情帖然相安而粵為嶺海名

區不容自棄得賢有司營爲經理卽權借款一半之數似地方各要政不難次第推行以視借洋債利權終於外溢者較勝萬萬部權衡財政實不得不鄭重於此間也得 旨如所議行○乙亥雲○詔免浙江仁和等場未盡鹽務上年虛課錢糧○調緩江蘇寧屬上元等三十三州縣蘇屬長洲等二十七州縣上年被災錢糧○丙子時享 太廟 上親詣行禮○上御保和殿賜蒙古王公筵宴○調緩湖南南洲等屬州縣上年被水錢漕蘆課等項○丁丑 慈禧端佑康頤昭豫莊誠壽恭欽獻崇熙皇太后 皇上御乾清宮德國使臣穆默英國使臣薩道義日本國使臣內田康哉法國使臣呂班和國使臣希特斯義國使臣巴樂禮美國使臣柔克義俄國使臣璞科第補國警使臣阿梅達比國警使臣博賽爾奧國警使臣訥巴恩墨國代辦使臣阿達密拉親覓賀年○劉汝驥奏自強之基莫要於整頓吏治而上下相蒙爲吏治之蠱賊者則莫如保舉一途夷吾作相乃出彙囚白里得君乃由市次尙矣而今不能降而求之解狐得舉祁午得位次也王吉釋褐黃禹彈冠又其次也而今不能昔爲官擇人今爲人擇官昔論功行賞今儆賞功昔濫保有刑今濫保無罰昔以清議公論保今以情面寵賂保有例保有特保有明保有寔保有尋常保有異常保或以門生故吏牽連而得保或以姻亞親舊攀援而得保或一案而保數十人或一人而保十數案或一人前劾而後保或一人甲參而乙保捐例停矣然相如納賄卜式輸財何其拙

也則得保者巧科舉停矣然東髮受毒垂老委質何其迂也則得保者捷京察保一等大計保卓異 天恩也而出自私室漢員保都統文員保總兵異數也而望若終南愛我畏我趨趨嗚嗚謀保而來也諂人瞞人腐飛色舞得保而去也然則所謂保舉者名曰甄拔人才實則湮抑人才名曰鄭重名器實則莫濟名器牛驥一皂鷄兔同巢儒冠沒溺車服優俳非細故也 竊卽中外官場之真相之弊實爲我 皇太后 皇上陳之夫有一官必有一事有一事必有責成有功過此通議也而今則官自官事自事故愿者白首爲郎而無一事儲蓄乳臭未退而兼數差就京師言之財政處有差練兵處有差必專心致志以營之何也爲謀保地步也庸各省言之釐金局清丈局又立銀元局籌款局膏捐局又立衛生局蠶絲架屋櫛比雲連何也爲開保地步也如是則保不如是不保父兄以是教子弟長官以是論屬吏薰壞人心術壞人志節者皆此保舉二字階之厲也然以是繩人猶不足爾其口而奪之氣也 臣請言其罔上營私者一曰河工保 國家歲糜數十萬內帑以慎重河防乃封疆大吏輒以此爲調劑屬員之舉幸而無事倅丞保州縣通同保府道紳黨累牒超乘者以數十計然桑乾之潰決黃河之昏墊且歲相告也一曰軍功保中興將相皆以書生而致徹侯以走卒而膺專閫宜也乃至提鎮奮身不能謀一戰華離邊吏不能守一城一廠工之鼓譟一饑民之嘯聚且浮夸其詞曰大張捷伐若夫耳未聞聲鼓足未履沙場而謬以

爲殺敵致果身經百戰者又比比然也一曰勸捐保山賑而捐山捐而緊官者 國家萬不得已之事不  
圖窮慮極者十之七攘實官者且十之三也順直賑捐一案保至一千三百餘人山東工賑捐保至五百  
餘人此外如奉天安徽廣西四川等省歲計之亦不下千人其見諸奏牘者且曰某總辦招徠之力也某  
委員勸募之功也天下之顛倒是非孰有甚於此者乎此所謂小好則小惡大好則大惡者也然以此繩  
人猶不足誅其心而監其聽也臣更言其顯抗 朝旨者奈伯不廢孟明管侯不計苟營築取錄用古有  
之矣已革瓊州總兵申道發缺額剋餉者也非奉 旨發往新疆者乎何至今遲遲不前已革浙防統領  
吳家正庇匪殃民者也非奉 旨永不叙用者乎何忽焉投功自効 詔懇未乾而昏庸剛愎之疆臣反  
噴噴以人才難得爲請其類此者殆不勝僂指也早唐而暮佛而夕惠人才雖消乏何變易孤島如  
是乎臣不知區 朝旨於何地也未已也臣更言其有傷 國體者張振勳以猗頓鉅貲而保卿寺張煜  
南以陶朱心計而保京堂 國家破格用人將以聯絡商情者維持商政猶可說也吳懋鼎隨豐之康巴  
度也康巴度者實辦也西人奴隸之與賊獲無殊何以有四品京堂之保周榮曜粵關之書吏也虎而冠  
者也穴社之鼠既毀我室家吞舟之魚且逃吾法網何以有出使大臣之保必自侮然後人侮必自伐然  
後人伐將使外人之窺視我邊易我者直以 朝廷之爵秩爲不甚愛惜之事得寶星則受寵若摯賦湛



露則茫然不解煌煌敷縱無嚇嚇之供奉乃有伏獄之待耶乎臣不知置國體於何地也凡此者編臣知之彌臣知之或世於成例或礙於同僚遂隱忍姑息而不言且以爲老於事則不避嫌怨不知顧忌以發其覆而摘其奸者也擬請旨嚴飭各省將軍督撫力除積弊不得徇情濫保以清仕途而杜倖進至永不做用人員尤當懷遠論旨不得率請開復如有似前荒謬者以違制論並請飭下政務處吏部嚴定新章詳議以聞上諭御史劉汝璣奏仕途難維保舉過濫請除積弊一摺保舉一途原爲朝廷鼓舞人才之具惟必須真知灼見確係勞績卓著者實相符方可登諸薦牘凡有保人之責者應如何詳慎遴選愛惜名器若如該御史所奏近來濫保各節種種情弊實堪痛恨嗣後各省將軍督撫等保薦人才務當力除積弊不得徇私濫保以杜倖進至應如何嚴定限制之處著政務處會同吏戶兵等部妥議具奏○戊寅蠲免浙江各屬荒廢未種田地山塘蕩灘應徵上年地漕○己卯春煇等奏廣西匪患始於邊軍而蔓延於內地邊軍爲蘇元春所部卽卽匪孽生卵育根株甚深春煇於光緒二十九年督師廣西查明情形詳晰具奏仰荷聖明垂察內徙邊軍藉以挑汰而命李岑督辦廣西防務另調湖北武建軍八營填紮邊地又以兵力尙單經臣李岑奏留守備陸榮廷所統榮軍五營俾資分布武建軍者湖北督撫臣所訓練精壯嚴肅當時演新操者首屈一指二十九年九月到邊其時匪勢正熾

邊軍雖已內徙而積年游匪仍從拜會糾邀劫過地皆賊各路竄散之大幫仍以邊地爲歸宿臣孝胥  
察看沿邊十二對汛分撥隊伍首嚴邊防另騰營勇作爲游捕之隊平時則晝夜放哨如臨大敵一聞警  
報或探得匪蹤立即拔隊不計遠近不避寒暑馳往搜捕期以必獲其或竄匿越界亦必多方偵察會商  
法員設法拿解兩年以來蓋無一日之懈怠其著名游匪土匪如周德貴葉晚邱振邦朱寶珍黃廣祿李  
亞珍林泳濠農兆珍譚顯秀翁相華李九劉亞水蒙屏祥豐廣生錢華林陸小記農寶廷採茶三鍾四等  
均係黨與衆多屢擾邊界百姓所切齒痛心而未就獲者先後擒斬無一漏網由是匪無所歸勢漸渙  
散卒使沿邊二千餘里地方又安而左右兩江亦遂以底定蓋兵有紀律絕不通匪而後匪可得而治亦  
先傾覆匪之老巢搜剔淨盡使外出游幫無可回顧而後全省之匪乃可得而治故論邊防營勇初無赫  
赫之戰功而推原桂亂之平拔本塞源首清邊界其有裨於全省治安爲功實非淺鮮目下沿邊父老共  
慶更生昔之滿地腥膻一洗而爲樂業安居之地伏查廣西邊防例准五年保獎一次仰見 朝廷慎重  
邊陲體恤戎行之至意此次邊防將士當匪勢披猖之日處炎荒瘴癘之鄉病歿傷亡合計不下千數而  
防守剿捕營勇不懈卒告肅清核與從前邊營情形勢迥異今臣孝胥業已鈔辦防務追念士卒戍邊  
剿匪之苦若不籲懇 恩施無以鼓舞士氣謹擇其在事日久異常出力文武共計五十二員核實擬獎

開列清單恭呈

御覽合無仰懇

天恩俯准照擬給獎以昭激勸而勵戎行下部議奏○庚辰戶部奏

臣部總攬天下財賦凡有大軍大役用款向由部撥以及各處如有他項動支不在常例之內者亦必隨時咨報核定故戶部則例內載凡各省協撥餉銀及別有急需應協濟者倘藩庫不敷或動鹽課或請內帑由部隨時具奏等語誠以臣部爲錢糧總匯凡有出入悉宜周知慎重庫儲之道必出於此也咸同以來各省軍務倥傯部撥款項往往難於立應竊臣遂多就地籌款以濟軍食如抽盤助餉之類因而一有緩急彼此自相通融協借不盡咨部核覆然亦以其係就地自籌之款與例支之項無礙故部臣亦無從深問近年庫款支絀各省皆然任事之臣知臣部籌措之難動輒自行電檄各省求爲協濟其意不過在外銷款內勻撥而各省亦不盡能另籌的款遂將例支正項及報部候撥者挪移擅動以應之迨臣部查知而款已動用往返駁詰難就緒誠恐日久難以限制臣部職司出納豈敢諉爲不知苟謝責任臣等公同商酌擬請 飭下各省將軍督撫嗣後凡有動撥款項必先咨明臣部核具有無窒礙俟部覆到日再行查照辦理倘或不俟部覆擅自動解除將所動之項照數提還外仍由臣部指明嚴參以重庫儲得旨如所議行○辛巳祈穀於 上帝○壬午 上詣 奉先殿 壽皇殿行禮○今上皇帝生○癸未

上詣 大高殿 壽皇殿行禮○甲申禮部右侍郎朱祖謀以病免○林紹年奏地方無論繁簡苟爲

耳目所難周政令所不及雖良吏弗能治故地方官分職一準乎地近情親誠古今不易之定法也黔省  
跬步皆山轄境本較遼闊又復插花懸絕亙古未聞如黃平州所轄之瀧水一隅遠在七百里以外鎮遠  
所轄之四十八溪遠在四百里以外其中皆隔越數州縣之地鎮甯與貴筑既非同府而貴筑出城數武  
乃有鎮甯所轄之巴巴街一段思州府之龍家坳等處插入陽府之鎮遠縣鎮遠縣之水地屯等處又插  
入思州往往一山徑而山上山下爲兩屬同一街市而街左街右畫分兩縣其一村鎮而分隸數屬者甚  
多如修文之扎佐場巡檢歸貴陽居民歸修文出城則一歸貴筑一歸開州是也甚至桐梓縣之斯羅坳  
脫入遵義古州屬之擘都寨入下江居其地之人民猶稱隸桐梓古州遵義下江所得管轄而桐梓古  
州則久已不知其有此地矣其地參互交錯零星脫落直若圍棋而莫辨主賓之屬誰胥等奈越之相視  
者尤指不勝屈地方官甲無鉅細近則所行輒阻遠則鞭長莫及小民尤赴訴不便鄰證更傳到爲難命  
盜囚之進誘匪類易以潛藏邊患迭興更治之不振弊皆由此是以臣白到任卽詳加查訪知有不能不  
釐正者曾經附片具奏在案惟此事既極繁要而又異常繁瑣從前營經議辦率以他故牽延未果前湖  
北巡撫臣胡林翼官黔時議之尤切嘗反覆數千言期於必辦適以升任赴楚剿賊而去前撫臣張培敬  
亦舉辦未久出缺前撫撫臣岑毓英在任之日尤淺且有軍務未竣近年更以粵游滋擾是以均未遑議

及此次臣於奏明奉准後通飭欽遵並加委專員親督核辦手訂章程頒發各屬幸各外屬均尚踴躍從事現已各據查明繪圖造冊開列應撥各處詳報前來均已批飭照辦其有須兩屬互考者責成府州督飭秉公協商妥籌定議各將改撥日期立碑載明自改撥日起詞訟命盜一切均歸管理大要不外撥出撥入互相撥換三項撥出撥入者如黃平之潛水應撥歸婺川鎮寧之巴巴街應撥歸貴筑之類是也互相撥換者如思州之龍家坳撥歸鎮遠縣而鎮遠縣之水地屯又應撥歸思州之類是也其有犬牙相錯彼此城治遠近雖無甚差而形勢在所必爭者如順江場石官河等處之必撥歸仁懷屬而後有險可守萬不可撥歸遵義之類是也錢糧稅課以及驛站營汛土司土目均隨地改撥當此實事求是之時無論額徵之正雜各款相沿之陋規概令據實開報已解於庫者分別撥歸彼此不得絲毫歧異入於官者仍其原徵之數許減少以便民不得加多以厲民均自光緒三十二年上忙起并歸撥款之屬徵解即因是而或有盈絀應就各該屬原有津貼撥補或另行酌劑以期各得其平蓋必官民俱便而後能推行盡利也現計已撥者事已過半祇永甯州等一二屬因有事故遲延而安平思南辦理尤爲妥速所餘各屬有待查商之處約須數月當可告竣但從來官吏之辦事圖終較難於慎始臣將去任未及觀成恐牧令之玩延遲誤者亦難保其必無則一贊功虧一簣可惜惟有繪具省首邑貴筑縣及胡林翼原辦安順府

首邑營定縣標圖兩幅劃出插花形式分別顏色期於一望了然恭呈 御覽合無仰懇 天恩飭部立案並 飭新任署撫臣接續辦理出力者照獎延誤者嚴參俟通省一律稟報接管即將改隸地方官及錢糧各項數目造冊咨部查核以專責成務使插花一事不致屢辦屢輟正經界即以齊民志地方官無不周之耳目而後政令所及常變咸宜吏治必有起色至承辦之員考證疆圉稽查冊案圖說則細如牛毛案牘則多逾數限備極繁雜不無微勞足錄可否俟事竣後擇尤酌保數員以示鼓勵出自 逾格鴻慈再知府爲表率之官董督州縣實其專責而酌省除遵議府外皆有自理地方匪特體制不符於治理時亦有窒礙現據貴陽府威遠縣稟擬將自理地方一併撥歸所屬州縣管轄臣查除黎平等府向係分管苗漢應仍照舊外其貴陽安順鎮遠三處已飭司道會議俟詳到另行奏明辦理得 旨著岑春煇認真辦理該部知道圖存○乙酉 上御紫光閣入廷臣宴○慈禱端佑康頤昭豫莊誠壽恭欽獻崇熙皇太后 皇上御勸政殿總稅務司赫德德國主教林懋德杜保祿覲見賀年○調胡燏棻爲禮部右侍郎伍廷芳爲刑部右侍郎以唐紹儀爲外務部右侍郎○飭戶部每節交進銀二萬兩備賞內廷當差各項人員○諭軍機處爲用人行政樞紐關係綦重允宜優加體恤以清治源所有該處行走之王大臣及滿漢章京等均著賞給養廉用資津貼經此次優賞之後該王大臣等必能整躬率屬砥礪廉隅內外

一切餽贖自應永遠禁絕各避嫌疑倘仍有揣摩嘗試情事著該王大臣卽行據實嚴參懲辦如或瞻徇容隱一經發覺與受同罪以端政體而挽頹風此項養廉著戶部按年籌給○諭御前大臣及御前行走侍衛乾清門行走侍衛等日侍左右出入應從當差勤苦並著分別賞給津貼以示體恤此項津貼一併由戶部籌發自此次加恩之後如有懶惰自安罔知振作者定予懲處其各懷之○丙戌以胡燏棻兼署工部左侍郎○商部奏據辦理金陵鎮江招商河輪局委員候選同知朱馮壽稟稱各國通商廣植勢力有造端於微而流弊甚大者莫如藉採辦土貨運銷洋貨爲名使華民船隻懸掛洋旗一事蓋洋商採辦土貨運銷洋貨准在就近海關請領三聯運單出入內地沿途登卡照單放行從無留難又華船一經洋商僱載聯卡胥役不敢刁難爾索遇事無論曲直均有洋商代爲力爭而華船無此便利馮壽經辦江輪河輪兩局往來長江一帶及江淮蘇皖各內地習見商船民船懸掛洋旗者幾於無慮無之查掛旗之法係由洋商製給洋旗一面船牌一塊船照一張每年每船收旗照費略分三等大船十元中船八元小船六元但就鎮江至淮河一帶約計掛洋旗者幾及二千餘隻該船戶等以華冒洋不過因保護利便起見馮壽管見所及與其申請禁阻窒礙難行何如設法挽回因勢利導擬請創設商船公會明定章程勸集各幫船戶懸掛洋旗者發給船旗牌照一律均歸公會保護謹擬辦法八條懇請核辦等情臣等伏查沿

江沿海各省接近通商口岸川流交錯航業最盛而華船冒掛洋旗者亦最多推原其故實由於華船行  
駛則關卡留難官差需索遇事涉訟往往隱受虧損不得伸理一掛洋旗則地方官及關卡胥吏不復過  
問而該船戶等往來內港時與華船相遇反得恃強逞兇理法難施每致滋生事端洋商出而干預釀成  
交涉失我主權莫此為甚是以臣部於光緒二十九年九月間具奏力行保商摺內曾請痛除此種積弊  
欽奉 諭旨通飭邊照在案現該員朱馮壽擬請設立商船公會發給船旗牌照俾華船與洋商一律同  
受保護所陳甚為有見亟應安定章程通行籌辦惟是提綱挈領臣部實總其成而事屬創始必須就近  
體察地方情形詳加審慎庶幾推行盡利不致稍有窒礙當經參照奏定商會章程暨該員朱馮壽所擬  
辦法酌定商船公會簡明章程十三條咨商南北洋大臣去後茲准覆核業經分別咨飭江北提督輪船  
招商局江海關鎮江關先後議覆略有增益咨送查核等因前來臣等復將原定簡章重加釐訂公同酌  
擬商船公會簡明章程十八條謹繕清單恭呈 御覽如蒙 俞允即由臣部刊刻並將船旗牌照等項  
式樣擬定一併頒行一面咨行沿江沿海各督撫飭屬籌辦隨時將辦理情形咨部備核嗣後遇有華旗  
船隻各該地方官暨關卡員役再有從前留難需索情事即行分別懲辦以示保護而期實效得 旨如  
所議行○丁亥 上御紫光閣賜蒙古王公筵宴○戊子調緩江西新建等縣州縣上年被災新餉錢漕



蘆謀○己丑商部奏臣部於上年秋冬間迭據署右丞王濟稟函稱據廣東新寧縣紳商暨運使職銜陳  
宜禧廣西試用州同余灼稟稱職等請隸新寧擬立公司籌辦本邑鐵路自新昌起經邑城冲雙斗山至  
三夾海地方止計華里九十餘里上年六月間邀集邑紳提議籌辦當經刊布招股佔工各單啟由宜禧  
前往美屬金山各埠勸集華股陳說利益各商極爲踴躍計集成的款一百五十餘萬兩本年八月回華  
先匯一百萬元分存香港匯豐渣打兩銀行餘款備訂購機件陸續應用而香港新嘉坡各埠華商以及  
新寧本邑紳商入股者亦復不少計所集華股約在二百萬元以外現設公司名曰新寧鐵路公司擬俟  
此路工程竣事核計餘款續招新股再擬接展以廣公益爰於十月間邀集地方官紳公同酌議悉照金  
山各埠附股華商來函公推職官福爲總理職灼爲副總理備具章程圖說稟請寄部核定奏請立案並  
請電咨兩廣總督飭屬切實保護勸導以便迅速開辦所有購運機件物料仍一律照章完稅其餘未盡  
各事宜容再隨時續稟各等語清穆前以考察商務行抵廣東接見該職商陳宜禧悉其人甚樸誠家道  
殷實在美國金山各埠承辦鐵路工程先後四十餘年於築路情形較有把握默念路權所至爲國家富  
強之樞紐爲地方根本之計該職商兩年以來奔走勸募招集各埠及各邑華商股款二百餘萬元忠愛  
之忱溢於言表現既來滬具稟應請奏明立案以便尅日開辦等因臣等正在核辦間又接准出使美國

大臣梁誠電稱陳宜禧籌辦新甯鐵路苦心經營募集鉅款確有把握應請責成專辦等語是該職商陳宜禧之誠信連手資本的實核與臣部署右丞王清穆函稱各節相符當經臣等與兩廣督臣岑春煊函電相商旋准該督臣電稱此路由華商自辦以本邑之資財辦本邑之鐵路自屬可行惟一切辦法是否與定章相符應候核辦准電稱係按潮汕辦法內有應商數條請部核定各等語臣等伏查該職商陳宜禧請辦新甯鐵路自行修築洵足創開風氣保全利權於路政商務均有裨益合無仰懇 天恩俯准立案以重路務恭候 命下當經臣等將原訂章程詳加核定飭令迅速勦辦一面咨行兩廣督臣飭於路綫所經之處由該管地方官切實保護並出示勸導鄉民俾無阻撓庶幾易於施工俟全路工竣應照章奏請獎勵以資觀感至所稱事竣核計餘款續招新股再議接展一節應屆時由臣部查看情形奏明辦理得 旨如所議行○庚寅命李家駒以四品京堂候補充京師大學堂總監督○辛卯命西安將軍長春開缺回京○諭鑲黃旗漢軍副都統毓楨正白旗漢軍副都統溥侗委散秩大臣阿克東阿屢次託故告假實屬當差懶惰有曠職守毓楨溥侗均著開去副都統阿克東阿著開去委散秩大臣以示薄懲○諭出入憲從各項當差人員應如何勤慎供職嚴肅整齊乃近來值班各員每多疏誤甚至例應待班人員亦復任意不到並時有無故請假情事實屬不成事體除毓楨等已有旨懲處外嗣後御前乾濟門

侍衛等散秩大臣大門侍衛等如再有懶惰偷安曠誤職守者著御前大臣隨時查明不准贖徇情面據實嚴參○壬辰以松淮爲西安將軍○諭三載考績爲國家激揚大典中外滿漢諸臣有能共濟時艱勞勩最著者允宜特加甄敘其平庸衰病者亦難曲予優容茲當京察屆期吏部開單奏請朕詳加披閱軍機大臣總理外務部事務慶親王奕劻謹慎忠純力持大體竭誠籌畫悉協機宜著交宗人府從優議敘吏部尚書鹿傳霖外務部尚書豐鴻璣協辦大學士學部尚書榮慶巡警部尚書徐世昌戶部尚書鐵良同心襄贊共矢慎勤均著交部議敘大學士王文韶歷中外夙著勤勞大學士孫家鼐老成厚重眾望交孚直隸總督袁世凱經畫恢闔勩勞懋著兩江總督周馥辦事實心不憚勞瘁湖廣總督張之洞謀慮精詳力任艱鉅署兩廣總督岑春煊任事勇往勞怨不辭著交部議敘協辦大學士禮部尚書徐郙精力就衰工部右侍郎李昭煒內閣學士兼禮部侍郎銜黃昌印啟都察院左副都御史奕秋才具平庸均著原品休致倉場侍郎劉恩溥江蘇巡撫陸元鼎均著開缺另候簡用○癸巳以壽耆爲鑲紅旗蒙古都統崇勳爲鑲紅旗漢軍都統○以劉永亨爲工部右侍郎○以戴鴻慈爲禮部尚書○以載卓爲荊州將軍○浙江按察使王仁寶以病免○以吳重熹爲倉場侍郎調松壽爲工部尚書以清銳爲兵部尚書○調陳勳爲戶部右侍郎以唐文治爲商部左侍郎○調陳夔龍爲江蘇巡撫以張人駿爲河南巡撫恩壽

爲山西巡撫○甲午以紹昌爲刑部左侍郎○以外務部尙書張鴻鵬協辦大學士○以伊光坦爲左副都御史○譚頤鍾爲浙江按察使以繼昌爲湖南按察使○錫良奏請仿照各省開辦彩票所有盈餘撥歸練兵製械之用下戶部知之○予四川巴塘亂事殉難員弁維堃陳文朝等十五人從優議卹○乙未雲○以袁樹勛爲順天府尹○丙申以朱家寶爲江蘇按察使○轉紹英爲商部左丞以王清穆爲商部右丞轉楊士琦爲商部左參議以熙彥爲商部右參議○丁酉袁世凱奏前因准軍餉項不敷計授先後向津滬總商挪借計積欠銀四十餘萬兩無計歸補請准照新海防例變紅質官以免商情疑阻下

戶部議奏

光緒一百九十九

臣朱壽朋敬編

臣汪錫增恭校

二月戊戌朔諭張曾敷奏參經歷賄縱管押官犯請旨懲辦一摺浙江辦釐委員已革知縣施榮鼎前因侵置買銷經該撫奏參革職發交杭州府看管茲據奏稱著杭州府經歷羅人德賄賂故縱致令脫逃實屬罪無可逭羅人鑄業經片革著發往軍臺効力贖罪施榮鼎著江蘇巡撫各省督撫一體查拿務獲解浙審辦以儆官邪另片奏杭州府知府宗培於施榮鼎一案意存玩視致令行賄脫逃等語既據該撫奏稱該員於職守所司概不經理酒食徵逐頗滋物議所請開缺以同知降補不足蔽辜宗培著卽行革職○丁振鐸奏雲南維西屬屬僧夷句結叛亂焚教堂戕教士圍困官軍臣奏派署提督臣張松林督軍剿辦迭經先後具奏並電陳在案伏查該屬屬僧夷自阿墩被困官軍失利勢極鴟張以羊八景東竹林兩寺爲巢穴主持者爲各僧管事附和者皆土目土民並遺醜類分扼要隘地勢既極險峻人復獷悍異常而官軍糧運之難雨雪之阻倍極艱苦著提督臣張松林於七月二十八日行抵會甸細審地勢敵情定三路剿辦之策該署提督親率信軍敵隊並姜德興所部爲西路派謝有功率領新軍益以揚發旺一營並

靖武等營爲東路土司木汝誠同建威左營扼守中路八月二十二日西路一軍抵小燕巖江邊僧夷隔江死力抗拒鎗砲猛烈我軍伏地蛇行逼近江岸排砲環施助以開花砲力斃匪極多紛墜巖澗餘賊奔潰拖拉土司王福反正投誠退出大燕巖紅坡各要隘我軍乘勢進搗羊八景寺僧夷恃其險僻不虞官軍猝至寺僧二百餘夷匪千餘相與震懼各攜輜重分頭潰竄一竄瀾滄江處一附東竹林寺該署提督卽於二十九日進駐羊八景寺中檣櫓遍地稱爲供器殘忍慘毒不忍寓目其時連日雨雪朔風砭肌將士苦寒相對瑟縮該署提督勉以忠義並諭以深入糧盡非涉險出奇無以自存將士感奮遂分隊襲五日糧銜枚冒雪由紅坡山開道斬棘繩幽潛拊東竹之背另派兵圍越瀾滄緜江外竄賊該署提督親率餘兵由白蟒山夾擊九月初六日午刻出賊不意進抵東竹該寺樓閣連雲外築土牆欄樓雉堞並極堅固因是悉力抗拒自午至戌我軍排鎗數十發偪進土城賊退入寺我軍跟蹤猛進短兵相接斬賊七人生擒督事喇嘛老梭直實等九名夜黑山深餘賊悉由寺後潰逃附近之河產阿墩虜子石等二十餘寨悉由土司率領陸續投誠該署提督逐一撫徭俾各安輯寺懸人皮一張查係陣亡哨弁楊桂珍軀壳觸體累累與羊八景寺等江外竄賊或斬或投誠亦均赦平該提督復派隊接應謝有功此西路一軍進剿獲勝疊克僧寺之情形也太汝誠一軍扼紮見工被賊迭向攻撲勢頗難支謝有功聞報馳援奮力擊退

復率各營節節進取八月二十六日軍抵洛沙賊營於懸巖以鎗俯擊我軍冒險猛登賊遂敗走亟拆橋以斷我軍之路奮勇據橋肉薄相當決盪數次斃賊甚多生擒五名溺死者尤不可勝計奪獲火鎗擄鎗多件復乘勝連克孔多匡多各賊壘適該署提督派援之軍亦至合攻補牙坪賊巢鎗斃多匪獲械多件賊悉潰竄遂進抵東竹駐紮此東路一軍連戰克捷會合西路之情形也該署提督派撥各營分路搜剿並諭以宥脅懲渠之意務從各夷懾威悔禍踵接投誠負固之匪並被擒斬復令謝有功前赴川邊巡歷以會川軍驍境一律肅清至怒江萬蒲桶白漢洛一帶仇教僧夷由已革知府李盛卿派土目王國相等次第剿撫收械亦各安堵先後具報前來臣查維西僧夷響應巴匪勾結滋事恃其險悍勢極猖獗提督臣張松林督軍進剿不避險阻出奇制勝未及兩月克奏膚功全境盪定其勞勩誠不可沒惟該署提督係記名提督實任總兵應如何加恩之處恭候 聖裁署維西協副將記名總兵謝有功請免補總兵以提督記名簡放准補臨元鎮右都司王剛請以游擊儘先補用並加副將銜游擊儘先都司駱家信請免補游擊以參將儘先補用二品陞生張德成請俟引 見時加恩錄用其餘在事出力各員并可否仰懇 天恩容 擇尤彙獎俾昭激勸出自 逾格鴻慈至已革麗江府知府李盛卿現飭與法教士任安收等議辦教案並會同現署麗江府知府彭繼志將善後事宜及教案分別妥辦懇結再請 旨加恩得

旨張松林著交軍機處存記餘著兵部議奏○庚子以墨麟達壽爲內閣學士○予故禮部尙書朱嶽入祀鄉賢祠○程德全奏國勢之強弱視乎商務之盛衰而尤以鐵路爲命脈比年以來 宵旰之憂勤臣工之憂憤皆汲汲然以擴張爲事故於粵漢一路則力圖挽救川漢津鎮及皖浙贛洛各路莫不切實詳籌堅持自修不致路權旁落 聖謨深遠欽佩莫名江省僻處極邊爲東北屏蔽而黑龍江城尤居形勝乃自東清鐵路開通不獨天險全失而商貨之流通官家之轉運均仰惠於人一旦有故則聲息不通坐困一隅上年兩鄰開釁道路爲之阻梗文報擱滯是其明證至利權外溢徇其小焉者也奴才日夜焦思通盤籌畫非修鐵路別無抵制之方亦別無振興商務之計是以奴才前曾將伯都訥城至新民府宜修鐵路情形奏邀 慈鑒在案查呼蘭綏化爲全省精華所萃經理商務宜自此始擬自哈爾濱江北馬家船口北向呼蘭曲達綏化直接黑龍江城修一幹路計長一千餘里再山對青山至呼蘭山昂昂溪車站至省城修二枝路并由對青山枝路西繞東清鐵路過松花江與伯都訥鐵路相接省城枝路東向以接幹路如此南北銜接一氣呼應自靈商務之起色可翹足而待卽經營邊防亦易措手矣況東三省成開商埠已奉 明諭當此兩鄰和議甫成尤宜及時圖維以杜外人攪越查吉林至長春鐵路業經奉 旨允准興修江省鐵路視吉林尤關緊要擬請山先提銀一百萬兩作爲股本以便開辦而資提



倡並仿照川漢皖浙等處鐵路章程專招華商藉保路權並將變通官礦務所收官兵津貼地價銀應發商生息承作旗人津貼者亦請移允修路經費俟鐵路告成仍將應得餘利分別津貼以期經久奴才明知款鉅工大非倉猝所能奏功然值此時艱何可棄置不顧惟有行之以漸持之以恆必期竣事而後已如蒙 俞允卽請 飭下商部指定購辦鐵軌地方以便奴才派員往購一面由奴才妥籌辦法遴委熟悉路工之員勘地估價庀材鳩工刻期舉辦其詳細章程再行臚列奏聞下部知之○辛丑財政處奏銅幣之行各省爭相鼓鑄流弊日滋謀所以整頓者自以由戶部收回爲正辦惟就目前下情形而論收回之事諸多窒礙則以先圖補救爲急夫補救之道大要不外清本源暢銷路雖非久遠之謀然細察情形必從此著手逐漸整理將來乃可有收回之一日竊意宜先其所急者約有八事現在有已行者有未行者有已行仍宜申明者謹陳其事如左一禁止大宗販運宜申明爲防弊非分畛域也自古鬪法宜散不宜斂宜流通不宜屯積大宗販運則斂而囤積不能散而流通且或買賤賣貴致錢價之低昂操之商賈弊端種種豈可不防是則所禁者乃大宗販運其非大宗販運概不在禁止之列今議以出口進口在二千枚以上者爲大宗二千枚以下勿問一限制鼓鑄數目原奏已極詳明仍宜隨時酌核也盈虛之數與時消息酌劑之道因地制宜將來鼓鑄或可減可增局所或可裁可併是在總攬全局認真稽核總期制

飾太過以適平均一禁購銅餅以防錢貨低劣也查臣處臣部前奏章程十條內載各省銅元局創設之初鑄造不及往往購買日本鑄就銅餅一經印花便可行使看似利便然外洋人工費用皆費於我而造  
成銅餅運來價值尚不甚昂貴則其成色分量之不盡如法可知況洋商販運之時不免夾帶多枚出售  
圖利易啟奸人私鑄之端現既擬將成色分量劃定一律且各省設局已久不至有趕造不及之虞總以  
自行鑄銅鑄造為是以臣等前已咨行各省禁止購買擬再請飭下各省督撫禁止購買此項銅餅  
並由外務部轉飭稅務司凡有販運造成銅餅一律嚴禁入口以防流弊等因應仍令各省督撫查照前  
章認真稽核不得日久廢弛一購買銅斤必先報部核定也查前因河南巡撫請將承辦委員免其議處  
由臣處會同臣部據咨改奏摺內聲稱嗣後各省購買銅斤務先將數目價值電報臣處戶部核准後方  
可訂立合同俟銅斤進口時由海關隨時將某省所購銅斤數目月日呈報外務部轉臣處戶部互相考  
核並令各省將辦理銅元局員司銜名造冊咨送以憑查核等語應仍令各省督撫查照前奏辦理一官  
民紳商宜一律行用也鼓鑄銅元本以救制錢之荒不應專為圖利起見乃公家以其出也有利則多方  
開放以其入也無利則多方挑剔近聞有地方官吏於丁漕稅課不收銅元或且於銅元制錢過分輕重  
不知官不收用民何肯用至於官民俱不用而銅元窮銅元窮而利安在若上一律通行則利害均利

害均則有利而無害此必然之理也應令嗣後凡公家收受錢糧銅元與制錢一律通用不得挑剔違者  
參處一行旅隨帶銅元出口進口不逾二千枚者概不查禁也既非大宗販運則無礙圖法倘有不肖委  
員巧立名目私造護票任意刁難甚至於一省之內此縣行旅於彼縣經過亦且盤詰留難需索均應查  
明照例懲辦一市面行使此省地方不得異視彼省銅元也貨字一統決無分疆限界之理凡在市面無  
論何省銅元一體通行各省疆吏不得存自私自利之見以固全局一通查各省多寡有無設法勻撥也  
自銅元可得餘利於是乎各省爭相鼓鑄自餘利在乎多銷於是乎通商大埠首先充斥自地方官恐收  
銅元之有虧累於是乎窮鄉僻壤尙多並無銅元之處此盈彼虛價目跌落安望周轉惟認真查明各處  
情形一省之盈虛於疆吏設法勻撥各省之盈虛由戶部酌核勻撥其如何轉運如何抵償工本應令自  
行籌商妥辦此則由公家勻撥轉運不得謂有犯大宗運販之禁也以上八事前四者所以清來源後四  
者所以暢銷路來源清則子母可以相權銷路暢則壅滯可以無害如此則銅元之跌落或可稍挽而餘  
利亦或可稍延其在目前尙屬切近易行之事而書一之事亦必從此做起乃可漸有頭緒顧其尤要者  
則在信賞必罰以上各條如蒙 俞允應請 明詔中外仿照刊刻騰黃之事由各省將軍督撫頒行地  
方州縣清交四鄉公正紳士大縣百張小縣五十到處張貼俾上下一體周知毫無阻隔倘有奉行不善

及陽奉陰違者屢參重處得 旨如所議行○戶部奏查續借英德商款前經奏准以七處釐金作抵內蘇州貨釐八十萬浙滬貨釐一百二十九萬九江貨釐二十萬浙東貨釐一百萬宜昌鹽釐並萬戶沱加價一百萬鄂岸鹽釐五十萬皖岸鹽釐三十萬共釐金五百萬均自光緒三十四年閏三月十一日起由稅司代徵抵還洋款惟前項釐金業已指明抵還洋款各該省京協各餉以及本處防餉等項向取給於釐金者勢必驟形短絀是以歷年臣部籌款奏明撥補在案本年自三月十一日起七處釐金仍由稅司代徵各該省所短釐金五百萬兩自應仍由臣部照案撥補並將籌撥各款開列清單恭呈 御覽並請 旨飭下各省督撫轉飭按照單開數目分別撥解兌收以清款項惟是各省所缺釐金既經臣部指款撥補在協解省分固當不分畛域勉籌協濟在受協省分尤當力爲其難凡向來應解京餉等項仍照常報解不得藉口出入不取任意截留致有貽誤得 旨如所議行○楊兆鋆奏查美國賽會由正副監督酌帶隨員襄理會務臣奉 命赴會電咨外部即派使署人員襄理以節糜費其始往來公牘飭令譯員徐家庠辦理開會之初事務尙簡臣派三等參贊官沈瑞麟四等翻譯官劉錫昌往駐會所保護商人各關於華貨間有留難立與辯論得免例外需索七月初舉行評獎臣帶同隨員顧錫書陳漳移駐察省復派留學生監醫吳宗濂駐法隨員水鈞韶唐在復商人盧煥文暨西員六人充評獎員此事關係較重一

涉疏略卽爲他國捷占况假絲印茶日本武器充斥泰西臣飭該員於中國茲三大宗評較贊美各國一無間言因獲超恩推獎餘貨亦不遺餘力除西員擇尤核辦外所有各該員自始至終勤慎將事並不另支薪俸於會費多所節省可否將沈瑞麟吳宗濂徐家屏劉錫昌水鈞韶唐在復顧錫書陳滄八員請旨嘉獎商人盧煥文 賞給六品頂戴以示鼓勵之處出自 逾格鴻施得 旨如所請行○壬寅政務處兵部奏正月二十五日准軍機處鈔交巡警部尙書徐世昌等奏緣營疲弱請一律改爲巡警以收實用一摺奉 旨政務處會同兵部議奏欽此原奏內稱光緒二十七年欽奉 諭旨飭練巡警軍各省多就綠營設法比年以來辦法既有參差名冊復不甚一旦有難經具奏並未實行者於警政之規制餉章均有礙請飭各省督撫將現存馬步戰守各兵挑選年力富強體量合格粗識文字別無嗜好者改編巡警慎選廉明武職暨粗通警察人員督率教練不得以原有制兵改易巡警名目空文塞責每年騰出餉項儘數撥作巡警要需先於省會及商埠設巡警學堂徵募士民肄業一面將山綠營挑選之警兵更番派入學堂教以淺近警法再逐漸分別去留徐臻美備實於警政大有裨益等語查綠營久稱窳敗巡警亟應振興現在 朝廷特設專部整理京外警務以爲保民要政各省興辦巡警應需經費尙鉅自應將綠營挑改巡警化無用爲有用該尙書等所請挑選制兵改編巡警以餉項充警費及設立學堂教練

各辦法均尙妥協擬請飭下各督撫查照該部原奏認真辦理以重警政而節虛糜至綠營舊設官缺並准俟該部擬定各省巡警官制及一切行政詳細章程再行奏明請旨分別辦理得旨如所議行

○甲辰開復前任吉林將軍銜安降調處分○丙午賜戰澤第三子名溥德○以誠勳爲江甯將軍○以恩銘爲安徽巡撫○丁未以繼昌爲江甯布政使○以莊辰良爲湖南按察使○戊申祭社稷壇

上親詣行禮○以鄒嘉來爲外務部左丞朱寶奎爲外務部右參議○諭從來改篤邦交端在講信修睦朝廷與東西各國通商立約開誠布公固已情誼交孚毫無隔閡各國亦均稱歡洽親密有加中外相安實天下所共悉乃聞近日以來訛言四起適偶有不虞之暴動遂突生排外之謠傳市虎杯蛇衆情惶駭推原其故必由奸人播弄匪徒煽惑或思離間我交好或欲激怒我民心詭計陰謀莫可究詰關繫大局良非淺鮮不得不明白宣示一釋羣疑方今時局艱難止賴列邦互相聯絡庶幾寰宇協和豈有自啟猜嫌擾害治安之理我君臣上下惟當力戒因循勵精圖治以實心行實政期於漸致富強各處學生尤當深明忠愛爭自濯磨精修本業學成待用以儲楨幹之才應遵照奏定學堂禁令章程束身自愛尤不得干預外交妄生議論總之團體原宜固結而斷不可有仇視外洋之心權利固當保全而斷不可有違背條約之舉若士大夫宗旨不明愚民將何所創導一有匪人乘機滋事必致貽害地方經此次宣諭之後

著各省將軍督撫嚴飭該文武各官認真防範所有外國身命財產及各教堂均應一體切實保護卽遇不平之事應候官爲理論如有違言生事任意妄爲者必非安分守法之人卽著趕緊查拿立行究辦倘或防護不力致出重情定將該地方官從重懲處決不姑容該將軍督撫等務卽剴切曉示隨時約束懲前毖後防患未然用副國家輯睦友邦保安黎庶之至意○辛亥祭文昌廟 上親詣行禮○綏綏浙江仁和等二十州縣上年被災錢糧漕米○准黃少春開缺回籍以洪永安爲福建水陸提督○壬子政務處奏恭讀上年八月初四日 上諭所有鄉會試一律停止其以前之舉貢生員分別量予出路等因仰見 朝廷敦崇實學嘉惠寒賤之至意凡在士民同深欽感伏維隆古之制儒與史通歐美之規政爲士學是以無空虛之學術亦無廢棄之人才現科舉初停學堂未廣各省舉貢人數合計不下數萬人生員不下數十萬人國家二百餘年皆以科舉取士士之爲異者咸出其中其次者亦多鄉黨自好循循規矩不乏可用之才中年以上不能再入學堂原奏保送優拔兩途定額無多此外不免窮途之歎方今捐例未止保案尙多或以微勞而累遷或以輸資而進秩偏長薄技皆得有以自見而不患沈淪如該舉貢生員等非研經已久卽續學多年似暇捐保兩途遺就尙易如能量材器使加以磨礱使儒吏兼通政學皆習未始不可收拔十得五之效臣等謹按例章仰體 德意將舉貢生員出路詳酌妥議有爲新章所

已行有爲成例所原有稍示變通仍予限制期有以上副 朝廷下慰士心其原奏保送一條各省仍應遵照辦理至各該舉貢等應分發外省者既有到省甄別之條又有入法政學堂肄習之案擬請 飭下各該督撫認真辦理以期澄汰庸瑣成庸廉能庶於掄才取吏之道均有裨益謹將酌擬寬籌舉貢生員出路章程六條繕呈 御覽恭候 聖明採擇施行一酌加優拔貢額查直隸總督袁世凱等奏停科舉摺內籌出路一條聲明十年三科之內各省優貢照舊舉行已酉科拔貢亦照舊辦理皆仍於舊學生員

中考取已入學堂者不准應考優貢額少請按照省分的加分別錄取等語查優拔貢向皆由優等生員取錄兼甄文行所得人才較多自應量予加取以廣甄拔擬請已酉科舉行拔貢照向額加倍考取本年丙午卽係考取優貢之年以後每三年舉行一次各省均照例額加四倍考取其廩生因出歲貢並准照原定額數倍取以惠寒賤均於壬子年考優後一律停止學堂學生仍照原奏不准與考一考用騰錄查定例會試及順天鄉試皆於薦卷內挑取騰錄送各館當差二十九年管學大臣遞減科舉原奏有多挑騰錄之請上年吏部亦奏准考取騰錄現各部書吏漸次裁汰清繕文牘需人必多擬仿吏部辦法酌加推廣各部院衙門均令考用騰錄幫繕公牘舉人五貢生員分爲三等的給津貼二年後分別獎敘准以實官分發其舉人拔貢優貢充考騰錄當差期滿並由該堂官擇尤奏請改用七品小京官在部行走俾



昭激勵一已就揀選舉人准令報捐分發免交補班銀兩查定例舉人近省三科連省一科以上者皆准  
就揀選以知縣註冊惟揀選並無班次徒有虛名現在科舉既停近省舉人並有未能註冊者自宜量予  
變通以示體恤擬請嗣後各省舉人不必限定三科均准以揀選知縣註冊並由吏部酌定班次選用其  
中式已過十年有願分發到省者令交分發銀兩即准分省試用各項貢生就職照此辦理一截取舉人  
請毋庸再用教職查舉人截取向用知縣教職兩途現科舉停後專重學堂教官事務愈簡上年吏部奏  
准裁去復設一缺擬定選班以前範生開補截取教職得缺無期同於廢棄查直隸州州同及各項鹽庫  
大使或為舉人應得之官或為大挑知縣借補之職擬請嗣後截取舉人除用知縣外兼用直隸州州同  
鹽庫各大使以廣登進其截取舉人已奉 旨以知縣用者並請准其隨時分發毋庸扣限俾得及時效  
用至恩拔副貢生向例准以直隸州州判就職註冊而歲優兩貢不與未免向隅且直隸州州判額缺甚  
少殊覺擁擠並請量加推廣凡五貢均准一體以按察鹽運使經歷散州州判經歷縣丞分別註冊選用  
如 分發銀兩即准分省試用一生員考職二十九年管學大臣奏遞減科舉摺內生員准比照已滿  
吏考職用為佐貳雜職分發省分試用等語查定例貢監考職皆係令來京考試惟各省生員多係寒士  
若概令來京考試殊不足以示體恤且人數過多宜加限制擬除年輕諸生應挑入學堂及現充各學堂

教員現入師範學堂現送出洋游學各生外其餘生員均於考優貢之年准令各州縣會同教官慎加遴選保送由各督撫會同學政認真考試取其文理暢達事理明晰者大省取一百名中省取七十名小省取五十名其保送人數約計照取額十倍爲斷毋得過濫至每州縣應送若干名由該督撫等分別酌定先期飭遵取定等次將所取各生姓名三代年貌造冊咨送吏部一等以巡檢用二等以典史用分別註冊如願捐分發銀兩者並准分省試用亦截至壬子年止以示限制一每科會試中式之貢士有未經獲試者有覆試後未應 殿試或 朝考者向例於下科補考今科舉既停擬請准令該員等取具同鄉京官印結赴吏部呈請已經覆試或 殿試者卽開列所考等第甲第名次帶領引 見懇 恩給予出身分別錄用未經覆試者亦請查照新章免其覆試引 見錄用其已免覆試之舉人並請一體准其照例就缺以免向隅得 旨如所議行○癸丑祭 闕帝廟 上親詣行禮○諭周馥奏特參庸劣武職請分別懲處一摺南洋常備軍第四標第二營管帶補用副將易隆礮短發餉銀貧鄙無恥著革職發往軍臺効力贖罪吳淞礮臺總管候補都司陶鼎侵蝕截贖貧婪膽大著革職發往新疆効力贖罪淞南營游擊周廣才老邁昏庸著勒令休致安徽撫標中軍參將尹嗣興南匯營游擊廣榮潘山營守備薛鴻範人地均不相宜著一併開缺另補○楊士驥奏時事艱難百廢具舉百款奇絀其屬於新政者固宜銳意

擴張而關乎國之大計民之利病者臣不敢辭拘泥之名而不一盡其職查北運河自南漕改折以來糧艘不行河道淤塞幾如平陸論者多謂鐵路輪船交通便利漕既停運河儘可緩不必廢此無用之款豈知運河上達清江下接臨清縣長千有餘里江河商貨藉以流通兩岸民田資其灌溉北運河一段實全河之樞紐亦卽漕運之命脈庚子之役海道梗阻上海招商局積存清米三十萬石悉改由運河北上追讓約稍有眉目始商准由商局輪船再由天津鐵路轉運至京而運腳之昂耗米之巨爲歷來所未有臣曾隨辦京約諸所目擊卽當時在事臣工不知費幾許之經營而後運京之米到倉無虧到口之米有所存藉昭然往事殷鑒難忘現在南運河河身尙屬通暢惟北運河二百餘里淤墊失修譬如咽喉梗塞全體脈絡爲之阻滯非特商民運貨不通萬一海運未便仍用舊法轉輸何以便緩急而維大局目下淤墊未久修治尙不甚爲難擬請將北運河淺阻處所分段挑挖埽除開壘酌量修復並添修涵洞引導附近水源以期一律深通舟行無阻無事之時以便商民有事之時以資轉運現已檄飭總辦臨清關道吳震澗會同東昌府知府魏家驊臨清直隸州知州張承燮就近勘估擬辦由東昌至臨清一段九十餘里先行挑修其上段之百餘里俟下段工竣再行接辦所需經費卽在藩庫歷年運河大挑項下核實酌提動用俟事竣咨部報銷不必另請專款以節銅項得 旨如所請行○甲寅予故廣西布政使游智剛事蹟

交國史館立傳入祀直隸安徽四川廣東廣西等省名宦祠○以錢能訓爲巡警部左參議裕厚爲巡警部右參議○乙卯 上諭 文昌廟行禮○丙辰工部奏 臣部辦理內地銷案均有例定價值可備冊報到部時得以分別准駁自同治年間以來沿江沿海省分分建各局廠築造新式礮臺船塢安設電綫類皆僱覓洋匠包工購買外洋物料以及定製各國船艦軍火機器等項一切均屬創辦開支鉅欸或三四百萬或數十萬不等各該督撫僅於興辦時自行奏明辦結後開單奏銷多年藉口與洋人交涉比內地情形迥殊無憑造冊是動用愈繁報銷愈簡殊非慎重帑項核實度支之道現在庫欸奇絀自僑從前購造等事日多於昔外省開銷尤以涉於洋務者爲獨鉅嘗有奏稱核實請銷於前而承辦人員復以侵冒被劾於後可知動輒以絕無浮冒爲詞者恐不免藉洋務兩字爲開支鉅欸之地伏念 臣部既有考核之責至涉及外洋者製造日新價值懸絕雖不能拘以限制似不可漫無稽核查外省與洋人經手之件無一不有執據其與各工各廠訂立詳細之合同及洋行發出收付之清單輪船各公司交給之運貨單行報之保險票即至一切工程器械皆有圖樣有價單比之內地信據條件尤爲詳密 臣等公同商酌擬請飭下各區省將軍督撫等轉飭承辦之員嗣後凡有洋匠包工及購買外洋船隻軍火物料等項均應造具清冊咨部查核並將與洋匠原定之合同洋行原出之清單各公司原定之運貨單保險票以及圖

式價目等件加鈐印信一併隨冊送部以備存查若無各項實在執據呈驗者一律駁回延不聲復者由  
戶部咨行吏部議處似此詳加考核庶幾工皆實用款不虛糜於帑項實有裨益得 旨如所議行○戊  
午外務部奏司員需人請准隨時調用京外各官及卒業學生到部行走得 旨如所議行○癸亥以麟  
德署左副都御史○甲子朔 日於東郊 上親詣行禮○乙丑 慈禧端佑康頤昭豫莊誠壽恭欽獻  
崇熙皇太后 皇上御勸政殿德使臣穆默帶領提督佩恩勸覲兒

三月戊寅朔榮慶等奏學部爲通國興學之總樞必提綱領而後條目可以擴張扶植根本而後枝葉  
因之發育考之東西各國之學制其大別有二曰專門曰普通而普通尤爲各國所注重普通云者不在  
造就少數之人才而在造就多數之國民其國民有自立學校者則以庫帑補助之父兄不令子弟入學  
者則以法令強迫之貧窶不能成學者則益公款扶持之故其國中無論富貴貧賤男女長幼皆能知書  
通大義究其所以亦曰明定宗旨有極力推行而已今中國振興學務固宜注重普通之學令全國之人無  
人不學尤以明定宗旨宣示天下爲扼要之圖欲審度宗旨以定總辦自必深察國勢民風強弱貧富之  
故而後能滌除陋習造就全國之民竊謂中國政教之所固有而亟宜發明以拒異說者有二曰忠君曰  
尊孔中國民質之所最缺而亟宜嚴砭以圖振起者有三曰尙公曰尙武曰尙實近世目論之士與泰西

政教之皮毛者甚欲舉吾國固有彝倫而繫之此非以圖強適以召亂耳東西各國政體雖有不同然未有不崇敬國主以爲政治之本者近世崛起之國德與日本稱最矣德之教育重在保帝國之統一日本之教育所切實表章者萬世一系之皇統而已我朝深仁厚澤漸被歷數百年苟非狂悖不逞之徒斷無自外覆載之事比年以來宵旰尤勤孜孜求治稍有知識者皆曉然於主憂臣辱之義惟是文告所及不過都會之地冠帶之倫彼山野椎魯之民其於國家之休戚或懵然而不知或漠然不以爲意此非民之無良也無以喻之則不曉無以激之則不動無以訓迪之則知識不進而忠義之氣雖發而不能中節是則司教育者之責也日本之圖強也凡其國家安危所繫之事皆融會其意於小學讀本中先入爲主少成若性故人人有急公義洗國恥之志視君心之休戚爲全國之榮辱視全國之榮辱卽己身之禍福所謂君民一體者也我國夙稱禮義之邦忠愛根於性生感發尤易爲力欲謀普及教育宜取開國以來列祖列宗締造之艱難創垂之宏遠以及近年之事變聖王之憂勞外患之所由乘內政之所當亟捐除忌諱擇要編輯列入教科務使全國學生每飯不忘忠義仰先烈而思天地高厚之恩親時局而懷風雨漂搖之懼則一切犯名干義之邪說皆無自而萌臣等所謂忠君者此也自泰西學說流播中國學者往往膜認謂西人主進化而不主保守至事事欲舍其舊而新是圖不知所謂進化者乃據

其所未知未能而補其所未完未備不主保守者乃制度文爲之代有變更而非大經大法之概可放棄狂謬之徒誤會宗旨乃敢輕視聖教夷棄倫紀眞所謂大惑矣各國教育必於其本國言語文字歷史風俗宗教而尊重之保全之故其學堂皆有禮敬國教之容孔子之道大而能博不但爲中國萬世不祧之宗亦五洲生民共仰之聖日本之尊王倒幕論者以爲漢學之功其所謂漢學者卽中國聖賢之學也近年以來其國民之知識技能已足並駕歐美然猶必取吾國聖賢之名言至論日進學生而訓導之以之砥礪志氣激發忠義况孔子生於中國歷代尊崇較之日本之敬奉尤爲親切無論大小學堂宜以經學爲必修之科目作贊揚孔子之歌以化京俗澆漓之習春秋釋菜及孔子誕日必在學堂致祭作樂以表歡欣鼓舞之忱其經義之貫澈中外洞達天人經註經說之足資羽翼者必條分縷析編爲教科頒之學堂以爲圭臬但學生各有程度則學課自有淺深高等以上之學堂自可力造精微中小學堂以下則取其淺近平實切於日用而尤以身體力行不尙空談爲要務使學生於成童以前卽已薰陶於正學涉世以後不致漸漬於奇袤國教愈崇斯民心愈固也等所謂尊孔者此也雖然忠君尊孔二義固盡人當知而行之矣惟中國當列強雄視之時必造就何等之國民方足爲圖存之具此不可不審者也中國之大病曰私曰弱曰虛必因其病之所在而拔其根株作其新機則非尙公尙武尙實不可也所謂尙公者何

也列強競起人第見其船堅礮利財富兵雄以爲由英雄豪傑主持之故國以強盛而不知英雄豪傑  
間世一出不可常恃也所恃以立國者乃全國之民之心力如潮如海如雷霆而不可遏相親相恤相扶  
助而不可解耳其所以能致此者皆在上者教育爲之也其學堂所誘迪皆尚信義重親睦如修身倫理  
歷史地理等科無不啟校生徒之感情以養其協同一致之性質故愛國合羣之理早植基於蒙養之  
初是卽孔子之教弟子孝弟謹信而進之以汎愛親仁也惟我國學風日變百慮寔失修身齊家之事尙  
多闕焉不講至於聚民而成國聚人而成家所以盡忠義親愛之實者則更不暇過問羣情隔阂各爲其  
私通國之中不但此省人與彼省人意存畛域卽一州一縣乃至一鄉一里一家一族之中亦各分畛域  
今欲舉支離渙散者而凝結之盡自私自利者而滌除之則必於各種教科之中關於公德之旨團體之  
效條分縷析輯爲成書總以尙公爲一定不移之標準務使人人皆能視人猶己愛國如家蓋道德教育  
莫切於此矣所謂尙武者何也東西各國全國皆兵自元首之子以至庶人皆有當兵之義務與我中國  
天子元子齒於太學之義亦相符合各國謂兵爲民之血稅而天子乃與庶人同之真可謂上下同心矣  
觀其師團以練兵海陸軍校以練將無論在校在營在操場時時如臨大敵號令一出雖崎嶇險阻冰天  
嚴寒不敢息也雖飢凍漂溺顛墜以死不敢避也然而老幼男女徧國之人無不以充兵爲樂每徵兵令



下得中選者骨肉親戚鄉里歡呼送迎懸誌慶則又何也豈皆樂於危事而喜於戰鬪耶抑懼於國法而不放遠耶實由全國學校際萬事律童稚之時已養成剛健而苦之質地由是風氣鼓盪而不能自己耳今 朝廷銳意武備以練兵為第一要務然欲薄海之民咸知捐一生以赴萬死則猶恐有不能深恃者何也餉裕之心厚而忠義之氣薄性命之慮重而國家之念輕也欲救其弊必以教育為挽回風氣之具凡中小學堂各種教科書必寓軍國民主義俾兒童熟見而習聞之國文歷史地理等科宜詳述海陸戰爭之事蹟繪畫砲臺兵艦旗幟之圖形敘列戎窮邊使絕域之勳業於音樂一科則恭輯 國家之武功戰事演為詩歌其後先死綏諸臣尤宜鼓吹挖揚以勵其百折不回視死如歸之志體操一科幼稚者以游戲體操發育其身體稍長者以兵式體操嚴整其紀律而尤時勗以守秩序養威重以造成完全之人格語云行步而有疆國之容記云禮者所以固人肌膚之會筋骸之束非虛語也 臣等嘗詢查日本小學校矣休息之時任意嬉戲所以養其活潑之性也日號一呼行列立定出入教室肅若軍容所以養其守法之性也又嘗詢查日本師範學校矣師範為規制最肅約束最嚴之地而擲球角力習為常課運動競走特設大會其國家且宣法令以鼓勵之其命意可知矣中國如採取此義極力仿行日月漸染習與性成我三代以前人盡知兵之義庶幾可復乎所謂尚武者何也夫學之所以可貴者惟其能見諸實

用也。歷代理學名臣如宋之胡瑗、明之王守仁、國朝之湯斌、曾國藩等，皆能本諸躬行實踐，發爲事功。足爲後生則倣至，若高談性命，崇尚虛無，實於國計民生曾無毫末裨益等而下之章句之儒，泥於記誦考據之末習，非所用更無實際之可言。嘗有泛覽羣籍而不能成尋常書牘之文，精研數理而不能道日用簿紀之法，予人口實亦安用此學爲也。查泰西三百年前，其學術亦偏重理論，自英人倂根、曾侶實、哈學派凡論斷一事一物，必有實據，以爲徵信。此風既興，歐洲政治教育理學諸大家遂爭以窮幽索隱之思，發平易切近之理。此泰西科學所以橫絕五洲而製造實業之相因，以發達者遂日進而不已。今欲推行普通教育，凡中小學堂所用之教科書，宜取淺近之理，與切實可行之事，以訓諭生徒，修身、國文、算術等科皆舉其易知易從者，品之以實行。其他格致、圖畫、手工皆當視爲重要科目，以期發達實科學派教員於講授之際，凡有事實之可指者，必示以實物，標本使學生知聞並進。且時導學生於近地游行，以爲實地研究之助。與漢儒之實事求是、宋儒之卽物窮理，隱相符合。方今環球各國實利競爭，尤以求實業爲要政，必人人有可農可工可商之才，斯下益民生上裨國計，此尤富強之要圖。而教育中最有實益者也。抑臣等更有請者：學術者本於人心，關乎風俗者也。上古學術之隆，人心以正，風俗以純，後世人心漸漓，風俗日薄，而其弊轉受於學校科舉之制。其始意非不共喜自士人以爲功名希利祿之捷徑，而聖

經賢傳遂無與於修齊治平科舉乃爲斯世病今 朝廷修罷科舉願設學堂倘不於設施伊始辨明義利以清本源將在官者挾自私自利之見以異學爲士者挾自私自利之心以應選不特聖賢經有禮教大防日卽淪夷卽東西國教育之眞效果亦無由得而科舉之弊仍納於學堂之中伏望 朝廷雷震渙汗振聵發譚原本聖賢之經旨申明禮教之大防用以激勵人心挽回風俗而學術之端實基於此臣等備員學校職司風化謹當振刷精神整躬率屬嚴辨義利崇勵廉恥自臣部各官及京外學堂教員管理員均當以身作則行必踐言使學生有所取法更於小學堂修身課本時取此意反覆申明以爲國民教育之始基就學之初不得以邀獎勵求造化爲志學成以後自不以博榮寵謀封殖爲心民德日新國維自固此尤臣等所日夜冀望者也惟有仰懇 天恩將臣等所陳俯賜採擇 欽定教育宗旨頒布天下懸之京外各學堂如日月經天江河緯地凡屬臣民莫不欽奉臣等尤當恪恭敬慎龜勉同心虛衷以納羣言實力以求進境凡今日條奏之所已及者實力行之條奏之所未及者隨時議之並令編書各員守定宗旨迅卽編纂中小學堂教科書進呈之後一律頒發至各省所編教科書亦必認定宗旨呈由臣部覈定然後許其通行庶幾一道同風而邦基永固矣 上諭學部奏請將教育宗旨宣示天下一摺自古庠序學校皆以明倫德行道藝無非進士政教之隆未有不原於學術者卽東西各國之教育亦以無人

不學爲歸實中外不易之理朝廷銳意興學設專部以董理之自應明示宗旨俾定趨向期於一道同風茲據該部所陳忠君尊孔與尚公尚武尚實五端尙爲扼要總之君民一體愛國卽以保家正學昌明興教乃以扶世人人有合羣之心力而公德以昭人人有振武之精神而自強可恃務講求農工商各科實業物無棄材地無遺利期有益於國計民生庶幾風俗純厚人才衆多何患不日臻上理著該部卽照所議各節通飭遵行所有京師及各省學堂師長生徒尤宜正本清源辨明義利不視爲功名祿利之路而以爲修齊治平之規於國家興學育才之意方爲無負該尙書侍郎等惟當整頓率屬行必踐言切實提倡認真查核懷時局之艱難思全國之關係朕心惓惓實有厚望焉餘著照所議辦理○己巳江甯將軍永隆卒卹賚如例○庚午 慈福端佑康頤昭豫莊誠壽恭欽獻崇熙皇太后 皇上御海晏堂各國公使夫人等親見賜遊宴○壬申德祿病請解任允之○癸酉調松鶴爲荊州左翼副都統祥年爲鑲藍旗滿洲副都統以王士珍爲正黃旗蒙古副都統○乙亥廷杰奏案查前任都統松壽會同直隸督臣袁世凱奏准升熱河朔陽縣爲朔陽府府東添設一縣曰阜新平泉州建昌縣適中之區添設一縣曰建平其朔陽府知府一缺業經揀員奏明請補各在案惟建平阜新二縣雖經先後委員試辦尙未擬定缺分當飭熱河道妥擬去後茲據該道謝希銓詳稱查熱河補缺章程內開平泉建昌赤峯朔陽等四州縣缺先

於津平豐實二縣內揀員請補如無堪調之員再由奴才會同直隸總督於口外揀發及勞績保留熱河  
補用人員內曾經委署地方並無貽誤者酌量請署如不得其人再由內地現任理事撫民同知通判會  
經委署州縣及滿漢州縣內堪以勝任者請補等語今新設建平縣在平建適中之區北為敖漢旗南為  
喀喇沁東旗地面極為廣闊新設之阜新縣與秦人接壤管轄東土默特五旗尤為沿邊要地該二縣均  
係蒙民雜處政務殷繁應請將建平阜新二縣均作為繁難題調要缺遇有缺出援照平泉建昌等州縣  
補缺章程辦理應支廉俸役食祭祀等銀本地並無地糧留支均請歸於估報不敷經費案內由藩庫請  
領其額又定數查照建昌縣成案核實開單咨部立案至阜新縣應設典史一員擬將朝陽縣舊有鄂爾  
土板巡檢改為阜新縣巡檢兼典史事建平縣應添典史一員擬照口外章程作為巡檢兼典史遇有缺  
出暨應領俸廉等項均照建昌縣塔子溝等巡檢一律辦理各等情會同具稟前來奴才覆加察核所擬  
尚屬允協謹會同直隸總督袁世凱合詞恭摺具陳下部議奏○內子諭軍機大臣等有人奏江蘇丹徒  
縣漕糧積弊太深請澈底根查以甦民困並將該縣戶書提省嚴訊各摺片著局復陳龍能按照所參各  
節確查分別奏明辦理原摺片均著鈔給閱看○丁丑貴王文韶病假兩月○戊寅諭貴州按察使全懋  
續著開缺安徽池州府知府畢念承著開缺廣東潮州府知府劉尙倫廣西鎮安府知府豐陞均著開

缺送部引見○己卯以興祿爲貴州按察使○命駐英使臣汪大燮爲賀日斯巴尼亞皇大婚專使○庚辰程德全奏奴才於上年十一月間以齊齊哈爾等處副都統應否裁撤等因附片具奏奉 硃批政務處議奏欽此欽遵在案茲承准政務處議摺請求政治必須專一事權原奏所稱齊齊哈爾呼蘭通肯布特哈爾副都統或與將軍同城或有府廳管理或有總管足資約束自無庸設專城大員致多牽制應請一併裁撤卽責成該署將軍督同府廳總管等破除積習力求整頓以一政令而重邊防其黑龍江呼倫貝爾黑爾根三城將來應否添設民官並由該署將軍隨時體察情形奏明請 旨辦理等因於光緒三十一年十二月十二日具奏奉 旨依議欽此行知前來查齊齊哈爾一缺本與將軍同城現在既經裁撤所有一切應行事件統歸將軍辦理其餘三城副都統裁缺後所有旗務自應專責協領管理以重職守查呼蘭原設協領二缺現於另摺內聲明議裁一缺擬請留該城右翼協領承春爲呼蘭協領刪去右翼字樣通肯原有協領四缺上年奏請裁去兩缺今於另摺又請裁去一缺擬請以該城正白兼正藍旗協領瑞麟爲通肯協領毋庸分旗布特哈協領四缺現於另摺奏請一併裁去復設東西兩總管兼辦屯墾事宜招戶實邊職務繁重非熟悉該處情形者難勝其在東布特哈總管一缺擬請以記名總管黑龍江水師營裁缺四品官福齡請補西布特哈總管一缺擬以該城協領常雲請補以上四員或則就地取材

或則因才任使皆係實心辦事明敏有為以之請補各缺人地均屬相宜至黑龍江副都統卽愛理副都統該處亂後逃戶尙未全復懇飭根呼倫貝爾兩城與係索倫鄂倫春達呼爾等部落漢民遷住者尙少應俟糧務擴充後再行添設民官以資治理得旨如所請行○壬午周馥等奏蘇省銀價驟漲舊規復銀價折錢羨餘不敷賠款及辦公各費請自光緒三十二年上忙起將隨徵規復銀價撥還各屬州縣以資辦公等需另於每徵銀一兩帶徵錢二百文作為賠款下戶部知之○癸未王誠毅奏進士改為知縣請照散館例以卽用分發省分下吏部議奏○政務處奏議准巡警部奏將綠營一律改為巡警得

旨如所議行○諭本日吏部帶領引見之附生張端璋左國楫著以主事用○交善善查辦蒙古要事五件單一聯絡蒙情折服蒙心一訓練蒙軍一勸諭蒙古興學一詳勘蒙地礦產一測繪蒙古地圖○丙戌諭寶夏副都統成鶴著開缺寶夏副都統著志銳補授○丁亥賞錫濟爾琿副都統銜作為伊犁索倫營領隊大臣○祭先農壇道溥偉恭代行禮○戊子外務部奏准部於光緒三十二年三月十一日准軍機處鈔交出使英國大臣汪大燮奏荷蘭議會事關重要擬請將駐美使署顧問洋員飭交部議用備驅策一摺奉硃批外務部議奏欽此查原奏內稱公斷一事各國通行斷事之議員關係固重議欵之議員關係尤重美國前任外部大臣現充駐美使署顧問洋員福士達辦理交涉聲名素著平時持論以大

公爲宗旨遇事鋤強扶弱恆著論說開導列強該洋員自受駐美使署顧問之聘已歷十餘年其文字談論拳拳中國之意流露言表若假以尺寸俾得增榮益譽自必樂爲我用按上次公斷條約有平時議員臨事議員之分平時議員不拘何國之人亦可兼充數國本年夏秋之間續開議會倘以福士達充補平時議員無須給予薪俸遇開會時亦祇酌給川資即可與屆時派出之大臣一同赴荷會議似與斯事有裨等語臣等查保和條約業經臣部於上年六月十二日奏請批准作爲入會之據並將約本寄交荷蘭政府存儲在案本年夏秋間爲續開議會之期所有議員關係綦重非精通公法素有聲望之人不足以膺斯選茲據該大臣奏請以洋員福士達充補議員該洋員以公法名家膺駐美使署顧問之聘歷經襄辦各事洵屬著有成績頃復准駐美使臣梁誠來電亦以該洋員聲望素著令其入會必能得力與該大臣意見相同擬請准以洋員福士達充補議員俾資贊助如蒙 俞允卽由臣部分別行知出使美荷等國大臣欽遵轉飭該洋員遵照得 旨如所議行○己丑以吳重熹署江西巡撫○先是本年正月二十九日江西南昌縣法國教士王安之邀南昌縣知縣江召棠至天主堂議翻舊案俄江召棠咽喉被刺越數日卒巡撫胡廷幹方委員查辦而愚民已於二月初三日暴動毀法國教堂三處斃王安之等六人誤毀英國教堂一處斃金姓教士夫婦二人案久未結至是日官劾胡廷幹迂拘固執司道等因循坐誤



上諭江西南昌教案前經外務部奏派直隸津海關道梁敦彥前往確查昨召見該員詳詢此案情形據奏各節與胡廷幹等電稱情形既多不符即該撫等迭次來電亦復前後歧異屬顛預貽誤江西巡撫胡廷幹著先行撤任布政使屬浩男有旨察辦按察使余肇康於重要刑案未能立訊訊驗著先行交部議處此案仍著外務部悉心妥辦○商部奏請撥樂善園官地開辦農事試驗場得旨如所請行○庚寅以嚴修爲學部右侍郎兼署左侍郎○辛卯諭嚴修奏懇請收回成命一摺現在舉行新政朝廷破格用人皆當力任鉅艱不得意存退讓徒博虛名該侍郎所請各節著毋庸議並著傳旨申飭嗣後大小臣工俱當仰體時艱盡心共任用副朝廷實事求是之至意○壬辰德國使臣穆默陞辭回國○癸巳吳引孫奏請開缺省親允之○乙未以王樹枏爲甘肅新邕布政使奈炳直爲江西按察使○丙申吏部覆奏江西按察使余肇康以降二級調用公罪可否准其抵銷得旨不准抵銷○盛宣懷奏臣前在會辦商務大臣任內奏請設立勸礦總公司藉以保主權而收礦利各摺片光緒二十八年九月二十五日奉硃批外務部戶部議奏欽此經部議奏撥勸礦總公司現在上海擬設自須酌發官款以爲商民之倡該大臣代辦陝西義賑既稱尙存餘款銀十萬兩應准其全數撥給該公司作爲官發股本將來如試辦無效卽責成該公司如數賠交以重公款等因光緒二十八年十一月初一日奉硃批依議欽此欽遵

在案其時出使大臣張德彝已將羅豐祿代聘之英國頭等礦師布魯特咨送到滬當即派赴湖南勘查各礦經前撫臣俞廉三派員引導勘得臨湘縣常寧縣鉛礦又函商前督湖廣督臣端方派員領勘竹山縣銅礦又電商前陝西撫臣升允派員往勘洵陽縣銅礦陝省地方官不以爲然該礦師折回即調赴直隸與督臣袁世凱商派委員領勘臨城縣煤礦磁州煤鐵礦二十九年五月該礦師陡患病症即不能出門勘礦時因張之洞奉命擬議礦務新章臣查英美商約皆載明礦務新章頒行後如准開礦者均須照新章辦理等語關係甚重似非熟習各國現行礦務章程者不足以資考究特令布魯特購辦書籍裁成礦律五十九款又補遺三款礦章九十一條又補遺一條於三十一年三月編輯完竣第念布魯特深諳礦學而於中國情勢尙恐未甚明晰當將華洋譯本咨送張之洞並令該礦師赴鄂以備諮詢此臣廷聘頭等礦師到華先後勘礦及撰擬礦章礦律備酌之情形也伏查勘礦之舉原議重在收買礦地免爲外人佔奪實賴各地方官聯絡一氣方能辦理臣奏准設立勘礦總公司後即撤銷商務大臣差使勢難以上海一隅之局參預各省之專况近年風氣大開各省多已次第設局開辦自應將總公司即行裁撤所延英礦師布魯特以及副礦師李御三年合同期滿已撤回國惟查山西煤鐵礦甲於天下前經山西商務局與英商福公司議定開礦興鐵以及轉運礦產合同將孟縣平定潞安澤州暨平陽府屬煤鐵礦

全礦與福公司辦理光緒二十八年奉亂後外務部因英使又向理論飭臣與福公司議訂澤道鐵路條款該英商堅持晉礦合同標題載明開礦製鐵以及轉運各色礦產執定欲在鐵路合同載明准其運鐵意在就礦設爐製鐵運銷臣乃稟承外務部就原訂合同內以上孟平等五處鐵礦及化鐵需用之煤與煉焦煤應由中國合股開辦 國家自設鑄化廠各礦所出鐵砂均須官廠煉成鐵磚方准由火車裝運所指各處煤礦如亦願意合辦由山西商務局與福公司再行商議並聲明原合同所載各節除經以上四款所更改並將來另訂詳細合同外餘均照辦辦理等情經外務部磋商繕繕清單恭呈 御覽光緒三十一年三月十九日奉 旨依議欽此遵行又查孟平潞澤煤鐵礦若照原合同已全讓福公司辦理爭持三載始允晉省與福公司合辦除鑄鐵廠全歸中國自辦外開礦則未能全行爭回臣尤慮西人辦事著著爭先若礦地為彼先佔則中外合辦亦非所辦的款不能踐約莫如按照勘礦公司辦法先將該處煤鐵礦產之地速由晉省籌款收買將來可將礦地作我股分按照臨城煤礦與彼合股既可守地主之權又可分礦中之利臣即函電商撫臣張曾敷遴派礦務學生張金生先赴澤潞一帶勘買礦地據張金生實送澤州煤標驗看質美產良實堪與英國頂上白煤比擬確勝開平萍鄉等煤但張曾敷來電以晉省紳商難籌鉅款臣去年赴天津與北洋大臣袁世凱熟商以晉礦必須通力合作不分畛域迅

速購地運則必盡爲外人所佔決非空言所能爭執袁世凱意見相同當與張曾啟往返電商一面由北洋派委山西紳士道員董崇仁會同礦務學生張金生道員鄒榮光馳赴平定州隨勘隨購又因鄒榮光總辦臨城煤礦不能久在管省仍派張金生赴晉接續督辦近接董崇仁等文請辦理尙稱得手所設同濟礦務公司臣等公商必應先籌購地資本三十萬兩擬請將臣所勸捐義賑餘款前准撥給勘礦總公司之股本銀十萬兩移撥同濟公司並由北洋大臣籌銀十萬兩山西巡撫籌銀十萬兩爲該公司資本蓋以之辦礦則不足以之購地則有餘但期產礦之地能先爲我得以後開礦之本自無待他求是補救山西一省之礦務卽所以挽回天下之利權也臣再三籌度擬將上海勘礦公司歷年支用礦師薪水川資以及購辦書籍器具各處勘礦費用銀六萬三千五百餘兩悉由臣設法自籌賠補不動撥款所存原銀十萬兩因山西同濟公司急於待用已會商北洋山西各撥給銀二萬兩尙存勘礦公款庫平銀八萬兩除已如數派員解交商部收存並咨明查核外應請 飭下商部隨時會同北洋大臣山西巡撫查照督飭該公司紳董認真辦理以赴事機而免中輟下外務部商部知之○丁酉以報効練兵經費賞多倫諾爾幹珠爾瓦諾們漢至誠名額○是月德意志國使臣穆默回國參贊尙爾士署理